

95

T 0117/2142

Faint, illegible text at the top of the left page, possibly bleed-through from the reverse side.

Main body of faint, illegible text on the left page, appearing as bleed-through from the reverse side. The text is organized into several columns.

Blank page with faint horizontal lines, suggesting it was part of a lined notebook or ledger.

西河合集

蕭山毛奇齡

字齊行

十九

姜之琦幼韓較



七言古詩

七

此卷自巴亭放歌以後舊刻入

第二卷今復分此刪若干首

董閔石評曰西河詩氣骨全似少陵而妙麗精工

無美不備體曹王之環瑋抽徐庾之清新如丹山

鸞驚光彩陸離如建章神明挾雲飛雨又如匡廬

之瀑赤城之霞標舉上出絕無依垆讀西河詩益

歎其高且遠也此闔石

寄西河書中語今附識此

芙蓉湖上曉雲生畫舫還為湖上行碧草千絲含日

芙蓉湖上曉雲生畫舫還為湖上行碧草千絲含日

七言古詩

映紅粧幾處照波明。平橋入路開朱榭。曲澗深深林
裏瀉。泰伯城隨南汜。迴春申祠在東峯。下祠前流水
自年年宛轉。滌澗最可憐。不從梁氏花溪度。只在秦
家桂樹邊。秦家桂樹生烏子。文石爲池蕩秋水。別巷
應通解玉坊。前關並築燒金壘。烏桺紫木夾層樓。大
府錢堆馬埒溝。北谷繩床春自偃。西園翠蓋夜爲遊。
暗通旣辟街環轉。細激連珠波面捲。出地疑分太液
來。去天不道承明遠。滄洲自古惜沉淪。花底偏逢翰
苑人。潘岳娛親推綠輦。謝公攜妓坐紅茵。風流盡日
開三徑。自笑多年隱名姓。門投張儉已還鄉。廡下梁

鴻。豈亡命。一自浮家。願屢避吳中。築室故人稀。君家
尚有清泠水。何日重來一浣衣。

鴛湖黃子錫自號麗農。住茗南葵亭種瓜。自
給予在淮西道。遙題此詩。

黃公最愛菰城山。攜家避地嘗往還。自辭楚相不得
意。荷鉞欲老青苔間。平田十畝啓幽壑。招客還留癸
亭。雀春半閒。炊松飯香。畫長臥看瓜。花落烏皮小几
拂紫絲。興來每欲圖東菑。巖關醉臥淮西客。爲汝題
詩思。復思。息縣阻雪同諸公集。何景韓梅花書院有作

我遊淮西三遇雪。買酒一醉懸瓠池。今來雨雪阻新
息。出門泥濘無馬騎。高陽好友漉清醕。爭道梅花發
前渚。繞屋頻燒五木盤。捲簾邀看三花雨。辛蒸蕙錯
羅苾芬。豕鸚虬醢青羊臠。興來高詠和集霰。酒酣噓
氣爲同雲。周燔獸炭澆酒熱。重見寒空攪冰冽。幾斛
明珠撒瓦檐。萬條翦毳拋銀埽。相逢同是作賦才。夜
深秉燭還登臺。洛陽縣令煩趨走。莫遣明朝掃雪來。
射獵歌爲金公子敬敷作

汝南公子好射生。天寒射獵城東行。申陽一關跨九
塞。招來游俠俱有名。平原積雪滿叢薄。上蔡新羅縱

搜索黃帝祠前雉。漸肥白牙岡上桑。初落雙鞬壓臂
掣。皂雕桃花叱撥嘶。來嬌銀翎割就穿珠簾。碧血凝
將淬寶刀。鞭梢倒插如蘆管。新織罽衣偏後短。腰帶
橫垂海貝寒。指環細夾霜貂煖。虛彎明月過雁驚。忽
然箭落秋雲平。青天毛血灑如雨。韓盧宋鵠空營營。
枯蓬熟肉當寒燒。地冽沙冰阻長道。望得黃熊驅不
前。擲却瑀弓自調笑。斜陽入地馬若飛。懸禽帶獸盈
金鞮。歸來但索駝酥飲。醉臥花前金地衣。
蔡州城東夜飛雪。公子朝裝絡寒臞。錦柙抽將練影

長角弓開處霜膠折平臯木落狐兔稀風吹淺草蒼
鷹飛近前雪窖有猛虎暮寒攫雀嘗苦饑中原神物
應樞運樵採年年不相問豈是將軍在北平只因太
守爲南郡圍塲突出公子豪從來豢虎將終驕同行
雄帥伏強弩獨遣健兒燔積毛般般三獸起鬪格吼
入深林螿雷坼觀時朱亥尚倉皇射得張昭動容色
長楊羽獵會有時汝南公子真雄姿請君暫息長鯨
飲聽我爲歌射虎詞

送史尚轍進士過夏口兼寄丘學士

別駕

時學士爲武昌

晨裝欲動海鷄鳴日出河橋相送行繫馬未辭王粲
宅前旌先指武昌城河橋日出輕攜手爲食嘉魚過
夏口去崔秋翻北渚雲啼烏夜宿西門柳故人遊宦
滯江鄉十載還辭白玉堂其道秘書懷謝監翻令別
駕得王祥從君昔在枚臯里憐我貧依漂母傍飲酒
不嫌車下醉逃名時就壁中藏漂流歲月同虛棄惻
惻相思成往事况汝春官舊主司杏花開後慈恩寺
學士門下官齋對酒洗征鞍醉後應看江上山若問
行來何所見但言遊子不曾還

姜武孫評曰純于意調綿邈中見神思悱惻反覆
數過似便有唧唧不能已處此豈徒優孟右丞者
七言古詩

所能
到也

丹陽城下作簡郡司馬

丹陽郡裏秋楊綠。不見當時舊劉穆。鐵甕徒懸鸛鵲。
棲金盤不貯檳榔肉。峩雙闕古郡臺。丹陽司馬今
奇才方輿偶。屈陳蕃坐錦幘。真看謝奕來。高牙傍海
發。葭鼓萬疊寒濤散。艤典兵自昔重南徐。雄鎮只
今推北府。江東遊子歸較遲。登樓賦罷將從誰。重來
丁卯橋邊路。欲把垂楊幾度思。

過江南奉謁周侍郎值其行部留詩代訊

我懷周侍郎。忼慨不得見。手把三年袖裏書。漫字紛

紛落如霰蘆。碣夜走江路。長東浮淮浦。西潯陽侍郎
久作南藩使。每過江南願投刺。踟躇側促終不前。將
投叩。楚行蠻天。姜生呼我汝南去。路出龍江幾回住。
斯時正好謁侍郎。又當行部留維揚。我昨渡江來。巨
浪高于山。天風萬里吹不定。烏雀飛飛空自還。前灘
昨嶼擁波白。獨駕孤航片帆窄。海豕江魚轉鬪爭。篙
工柁女愁顏色。昔讀侍郎文。怪其有如此。浩蕩奔騰
勢無止。直下如傾七澤濤。橫來不斷三江水。孤航相
向宛如睹。恍與高齋覲。晨暮江邊况。有蔣侯家小妹。
青溪舊會顧。十年出處同。噉蠟懷人何必吹。參差倘

尋結襪留歡處只在乘船破浪時

楊將軍美人試馬請賦

將軍航頭載美人春行晚泊橫江濱斜陽墮地草場
濶酒酣欲試紅麒麟美人常服雙袴褶青錦鴉欄紫
絲結蟬鬢當風捲似雲馬毛散汗吹如血金錢壓口
王秣膚馬前細立秦羅敷見人羞上還將墮壯士驚
前不敢扶調鞍整轡坐不定忽見桃花滿春徑將軍
似如九華驪在傍休視雙金鐙明霞片片爭繞林紅
游落處桃花深回頭失却真珠櫟春草蒼茫何處尋

曹受可舊評曰以見人二語對仗成文可謂入化
至若華驪起如金鐙生嫌幾于魂與句止色授文

至妙處即偶然
調笑俱臻神境

飲巴亭放歌并謝朱三驩元馮大之京王十

文昂王二漢

泥泥草頭露不涸春桑枝傷禽驚離弦不解彈縵絲
可憐數載滯江滄暫得相依路明府集木難教逐鳥
烏當筵詎敢題鸚鵡盤中食梅長苦酸冰絲還結絺
袍寒誰攜美酒召我飲居然高會巴亭山金盤玉尊
勝三雅兩兩鷓鬢似簪姐小字曾為明府知清歌不
在王郎下行觴襍坐飲未闌玉釵錯掛微臣冠流離
之子久失意那復斗酒能為歡從來聽樂惡哀嘆我

未聞歌已腸斷。嘈嘈絲竹空滿前。誰使飛鴉渡河漢。
三條裙子染竹黃。一雙素手如秋霜。擎將碧玉欄邊
酒。傾出真珠甕。裏漿傾漿重起歌。結襪泚泚愁心過。
綠髮座中可惜是毛姓。莫遣巴亭待新月。

巴山酒壚送王十孝廉北行

巴山秋市懸青帘。市中却逢王孝廉。當壚十五洗梧
杓。眉間撲粉如紅鹽。楓林百尺日初照。惱煞王郎尚
年少。五上公車十二年。碧髮重遮綠羅帽。巴山城下
秋水清。壚頭醉送王郎行。明年我亦來燕市。看汝春
風馬上生。

將出巴城道寄徐十五緘

春風吹葛條。蔌蔓被溪曲。巴城舊酒罇。又見雙螭
酒。鱸雙幔綠如草。將去巴山出東道。記得來時秋雨
零。我投蕭寺徐生行。秋雨淹寺門。徐生行且住。惜也
三日留。仍向雨中去。雨中一去秋水寒。問君久滯豐
城間。至今草青及春暮。不識君今又何處。十年奔走
不得志。道路相逢。偶然事南北。東西各自馳。誰復風
塵訊。騏驎我數游。南昌潦倒無一詞。美君慷慨歷落
千回思。去年雨中讀君句。恍捲長河向天注。一任秋
霖。汨馬牛半入寒空。散烟霧登臨若此。真可惜何處

天涯少蹤跡。但使能留高士亭。無須更作名王客。巴城二月春草薰。城頭黃鳥啼紛紛。我行記得君行日。欲出巴城轉憶君。

春夜飲就亭花下見施二公子彥懋當筵賦

詩有贈

神龍墮地便生角。鳳雛出林成羽毛。不見宣城施彥懋。少年特達傾人豪。春花初開啓官舍。豪客當杯酒。如瀉錦袍綠髮衣。帶紅搖筆熒熒燭光下。燭光映筆筆花落。展卷生風動油幕。滿座咨嗟倒白波。一庭風雨翻紅藥。高陽舊里擅才子。元季雙慈近誰似。毛甡

夙歲曾渡淮。但見楊家一童子。西河楊童子歌見前宣城文章將起衰。庭前卓犖真龍媒。毛甡自傷徒老大。見此不覺心爲摧。強顏捉筆擬酬和。舉手落盞空徘徊。看花愁見新花開。

紫芝山歌

有序

施公分司築亭于臨江城南之瑞筠山。忽紫芝數百本繞亭叢生。南昌李宗伯碑爲之記。且更名此山爲紫芝山。而標諸亭。越數年毛甡登亭而歌焉。毛甡走天涯。歲歲厭春草。曾採三花不得還。空臥嵩陽。歲將老。踟躕地上苦未閒。西游重到匡廬間。湖西

丈人倚青嶂。宛若姑射難躋攀。丈人有佳興。云在城
南山。城南山頭有亭子。紫蓋團團碧雲裏。背阜橫當
古郡臺。前林直傍清江水。丈人築亭年復年。當時異
事。今還傳紫芝。本靈草。斯地瘠難種。亭前忽見湧銀
甕。彷彿丹霄開九彩。睹翔鳳。又如珠焰發。丹穴芝草
之花。滿丘垤。採之亦不窮。斲之亦不竭。如盤如椀。復
如蓋。輪囷離奇。壓車載。悔不當時負。未來食以當糧。
紉當帶。以此呼此山。亦名爲紫芝靈蹟。嘉名又一時。
未須四皓返商洛。先看三秀生銅池。迄今採芝已不
早。尙見山頭此亭好。毛姓慨然登此亭。幾度亭前聽

啼鳥。清江初漲。江水長。山風細。拂林花香。游絲飛絮。
鼻衣帶。遙天望。眼空茫茫。我將舍之去。念此芝草芳。
紫芝之草。有時斂。芝山勝事。無時忘。君不見紫芝山
頭勒碑處。有客哀歌不能去。

姜承炳曰有施愚山先生刪本見湖
西倡和集此焯原稿多六十一字

陳柱國將軍期宿鎮山遂汎舟集南塘同張

杉平津李章姜垓商命說徵說兄弟作

天星出地馬出關將軍夜宿城南山深林列火忽如

晝與我高會叢祠開平明鼓吹結珠勒毳幄重重映

波白合艦同尋賀監湖毛生真作平原客湖亭日上

林影疎金刀自鱸秋湖魚西園才子分彤管南國佳人披錦裾平山十里勝金埒頻挽睢陽弄鵲血獸炭燒成越嶠雲駝酥點作燕山雪歡娛短景苦難駢秉燭還題越臺樹皎鏡東飛錦纜開將軍夜唱迴舟句陳為首唱十年長避追吏馳還鄉倘咏平林詩滕公豪氣真無敵羞煞山陽衣褐兒

西江送春曲不詳送春歸春歸在何處江草茫茫江水長不識春陽去時路楊花墮地吹復飛草間蝴蝶沾人衣游絲百丈縮欲斷平沙白日空遲遲江邊酒壚十五女不解春

歸客心苦紅帘日落炤眼明猶唱陽春當金縷陽春唱罷思復思可憐又是春歸時

漫歸復行書孔雀行關樓謝趙明府趙棠溪先生時

宰為蕭

孔雀披金花南飛畏剗尾白壁光芒受世疑子長縲綆非其罪東門拔劍不顧歸十年還視桁邊衣廳花結網無鶯度戶草張罨有隼飛張罨結網遮無路欲渡蘆碕行又暮趙相真看解印來外黃重見操兵去南飛孔雀北度鴻將垂巨翼乘長風臨行不辨銜珠處啄盡關前花樹紅

沈華席上同張杉王鎬錢霍王元愷平津祝

弘坊并憶沈九秘書時九月八日

吳興沈華宴賓客毛姓晝逐朱家來相逢衣褐把美

酒當筵意氣為之開連年變姓滯江表衣上風沙不

堪掃高陽滿座相顧殊只有沈郎顏色好帽頭碧髮

裏綠羅銅槃灑激傾金波阿兄簪筆掌文史方蓄新

菱染麻紙翱翔入作親近臣家招賢弟能娛賓紫薇

院裏張紅幔白玉堂前鋪錦茵憶昔山陽度廣柳曾

別難兄醜杯酒今來江上覓蘆碕尚藉平原匿好友

平原好友真足誇姜肱繡被平當家音時予留姜桐宅玉

院前看分碧藕金錢又見拆黃花黃花滿地中心苦

忽集華堂思如雨明朝倘約採茱萸莫負山陰柳家

女

子屢歸不得釋冗屢過湖西施公苦相留日

留日刻留刻適就亭鸚鵡三脫三復返子

刺傷于心因為賦鸚鵡還詞

鸚鵡還鸚鵡還相思只在隴西山隴西萬里思歸去

休挂人間畫欄柱畫欄雙柱玉籠垂金鎖連環控紫

綬欄邊言語應憐汝心裏分明却訴誰却訴誰應憐

汝早知苦分明何如不言語潛潛啄我紫絲絲密密

捐子金鎖條。潛潛密密終。教去金鎖紅。絲何用。任且
避玉樹林。且上石榴樹。初疑小樹上。無力既道長。林
遷不得別苑。猶牽紅兔羅。遙天只墮蒼鷗翼。蒼鷗紅
兔走復飛。躊躇去此將安依。他鄉好主應難遇。故國
多艱那得歸。一去復一還。主人相對啓歡顏。相思仍
向深林避。再去再還非。主意主人破。桂且開籠不道
三回仍未逝。仍未逝。主且憂尋殺欄邊紅石榴。石榴
牆外行難測。手執紅絲淚沾臆。絲亦漸就促。鎖亦漸
就短。一絲三續尙堪披。萬水千山何處返。鸚鵡還鸚
武。還願君仍住石榴間。石榴啄罷傷紅背。願君仍住

紅絲裏。紅絲臨繫翠衿。任主人淚落不能顧。

徐叙公曰西河暮春在臨江思歸愚山先生哀留
之日過寓相慰且假以他意推且延月不得已放
歸則又假他使護之行暨歸而幾墮于隙愚山強
留有爲也窮途資主流連可哀三覆此詩雖千秋
萬歲後猶
應破涕

姜垚招登香鑪峰絕頂同姜十七廷梧商二

徵說

秋山翠嶽海日紅。浮暉倒映金芙蓉。蒼崖負杖招羽
客。攜我直上香鑪峰。楓林黃葉下幽壑。杖底風吹草
衣薄。石屋高看洞鳥翻。橫梁斜度山花落。秋空望海
海色飛赤城。萬里烟霏霏。越王臺上青烽起。夏后祠

前白雁稀玉函金簡探難得况蹈嘔歎未曾息北谷
空標承露臺南還竟負凌風翼蒼崖四顧意氣開吹
笙跨鶴真仙才何年乞汝盈箱藥共俟安期海上來
去號蒼崖子
時修玄學

霖臣招予汎舟三日夜

商霖好探奇攜我汎青翰日日南湖汗漫游恍若乘
槎度河漢山橋畫柱溪洞門夏王臺殿西施村碧江
開錦簾綠草藉金尊倚鈴榜吹襍砮鼓朝日西飛暮
來雨五木燒殘江鶴飛千花開處一雞舞君家兄弟
真絕倫攜予一遊桃源春山中
家應收幾欲還

家愁殺人

聽流鶯歌

聽流鶯百轉在春城宛如舊苑花
曉晴此時玉櫳猶未啓此日金屏夜如水夢中隱隱
聽絲蠻起見墻東映日斑墻東映日花枝煖現睨絲
蠻啼漸緩乍穿錦葉暫停留移到金牕更宛轉可憐
宛轉最多情可惜間關寫不成秦女簫中三四弄吳
娘曲裏百千聲今來百草翻紅色今日聽鶯度錦陌
誰解參差遠趨人自傷漂蕩還爲客參差漂蕩逐流
鶯百變風前斷續生金刀細剪流鶯語依徒春城不

忍聽

和張夫人拜新月詩

拜新月拜月出簾櫳天際分蛾碧花稍觸甲紅拜新
 月拜月粧臺側覆斗鈎自懸斜梳墮無力拜新月拜
 月暗傷悲記得少年時南園同伴侶裙帶一垂垂今
 看井桐及秋暮燕子西飛鵲東去夜靜花堦綠籬間
 羞向低低影邊顧冰輪半掩當復明娉娉桂樹暗中
 生那能拜得新生兔長與金烏作隊行一本題下有
能二句作如何月下紅
閨嬌歲歲長留木葉城
董子長評曰首寫新月入妙低低垂
垂拜亦如畫但寓情排側感之傷懷

西河合集

蕭山毛奇齡

字僧彌稿

張文齋風林較

七言古詩

八

杜陵蔣楷游淮曾讀予淮上舊詩有感今過

枉不值蒙留長句見寄詞旨哀酸予適滯

海濱率賦酬意兼示淮上故人以當一慨

憶昔避地淮陰城吹簫乞食更姓名山陽縣令爭認

得呼我車載還都亭爾時秋風度淮水高會名園在

河嘴入夜鐘鏞動地來當筵詞賦驚人起從茲日飲

淮市傍酒徒到處爭相藏。元王廟後杏花閣。駙馬巷
邊薜荔牆。人生聚散等朝露。二十年來彈指過。醉裏
難忘鼓瑟時。花開不記留題處。杜陵高士有蔣生。先
後曾同淮浦行。見予舊事每興感。貽來新句何多情。
嚴冬結駟過江縣。柳下尋予不曾見。雙扉久閉綠蘿
軒。千里尚投青玉案。但言時事多變遷。黃公墟下尤
堪憐。稽劉已謝竹林去。臺館半傾河水邊。故人存沒
久心惻。况讀君文泪霑臆。夜月彈爲海外琴。寒風吹
送山陽笛。我今將欲尋杜陵。東西南北隨元卿。他時
若溯長淮路。何處還攀桂樹生。

中秋山寺作

清風吹林當素秋。碧空灑澗金波流。可憐二七又三
五。獨坐繩牀月當戶。初籠輕霧幃。冰紈旋破濃雲出。
翠巒花壇斜倚青銅鏡。松葉高穿白玉盤。生平待月
啓華帳。稍掩浮霾便惆悵。林表今來閉寺看。樓頭誰
復開簾望。去年雪浦弄清暉。前歲湓城烏鵲飛。此日
山中無可翫。夜深霜雪滿秋衣。

天馬行送崇仁吳孝廉公車

吳生本公孫。大道騁駢驥。云是天閑舊賜駒。我友孫
陽識名字。金絲羈子玉。花鞞將上燕臺。振高策大道

相逢秋漸過，正好長安看春色。君家舊有黃閣臣，崇仁相公孫仁相閣前終得生麒麟。從來開閣歌天馬，原屬公孫第一人。

奉贈顧將軍七十并呈嗣君澄

吾郡顧元嘆，少曾封遂鄉。讀書擊劍跨鞍馬，橫行絕塞驅賢王。歸來直乘雲中守，右臂茸茸生細柳。好學嘗經蔡伯稱，貧交但飲孫權酒。藜牀高臥七十年，過江子弟皆名賢。庭前多少烏衣客，最愛江東顧彥先。
守歲姜掌諫宅值太翁虞曹公上日初度酒
酣有感因卽事成句并呈掌諫君書次幃

末

連歲浮西江，三朔翦華勝。曾飲巴山山寺中，夜走郎官集。車乘今來守歲依，諫公猶藏複幘東。東堂前老都諫愛我如孫嵩，輝輝夜燎徹銀靄。坐對銅槃儼晴晝，莫道椒花媚少年。須知柏子添長壽，雄雞叫罷聞闐闐。招搖初轉蒼龍回，紉如巖城打五鼓。諫公衣錦三進舞，須臾魚鑰啓重闔。萬里扶桑綴遙雪，云是三朝賜勝時。正逢七十懸弧節，當年都諫趨紫宸。仗前冠劍稱親臣，八風吹入金門曉。萬壽呼來玉殿春，忻承假沐留覲省。通德門高愛光景，上日陳筵紫氣

生元辰進誥黃絲迥諫公披賜袍銀青襪緋紫丈人
本冬卿珮履紛若水諫公膝立親捧觴鳴珂列戟盈
華堂越中四姓攀麟紱浙上諸侯侍雁行相國持漿
脩拜母縣官負弩重還鄉宛如張尉迎京邸絕勝虞
譚賀武昌慚子流浪頗畏約枉廁親朋把杯勺戢鳳
難傳祖德明椎牛不逮親存樂酒酣浩歎溯所始七
葉貂璫代相啓太僕捐民賦光祿匡儲君尙書甘去
職要典持微文始知申蟠本非罔太丘何必名鈎黨
司隸忠臣應代典虞曹竟嗣春垣長春垣祿養世所
稀只憐座客言詞微願持三朔銀幡勝長傍千秋戲

綠衣

將遠行曲

將遠行乃在西南阿夔間昆陽池外千重水關索樓
前萬仞山我將爲沈犁之鬼蒲刺之蠻蠻中轉深曲
乃與鄉井辭天寒日暮行安之仲尼居東海莊躑留
西夷將遠行無窮期

王元愷將之巴山有贈

寒不披豫章絹饑不食萊蕪魚韓康范史日不足誰
能刺促分其餘巴山令君本廉吏自艾青芻作賓餼
做井難浮花下罇空亭長擁車前篲故人相誠勿復

前王生欲去仍流連。王生抱意氣。食力苦耕稼。長貧念同袍。千里將命駕。可憐命駕不得達。斗盎無糲衣。無褐集蓼終愁楚。雀逃橫江誰把枯魚沫。桃花乍發柳乍青。河橋一步三留行。毛甞進前願。致語座客紛。紛醉起舞。君不見君家阿齡貧。且饑烏程陶令爭求知。滿船白粲收不得。願索窮交鎮西食。又不見毛甞乞米走江汜。賣卜王成暗相倚。豈少荆南幕下詩。但飲巴山署中水。解襦不敢衣。顧郎易衣并食翻尋常。生人苦饑值春節。黃花白絮填空倉。君不見毛甞南遊入蠻部。萬里滇雲黯如霧。金馬關前無故人。竟逐

王生過江去

訪劉息縣并讀周櫟園侍郎所論文序因爲書贈

劉郎本是神仙姿。手揮五色春。桑絲中都偶爾作。試吏望之不見長。相思昔年曾逐湖。西使一訪廬陵老。從事命駕空隨曲。巷車留題無復高。門字躊躇東顧還。蔣山暫依櫟下官。臺間櫟翁老人出。君句爲君諷詠。開心顏。秋鴻飛飛信羽翼。重向嵩陽看山色。桓良未獲遇浮丘。賈父何期在新息。長途宛轉思一顧。不道寒風薄冬暮。日落天低頽上城。朝來雪滿淮西路。

夫君獻賦標石渠尋常痛飲留柴車吏歸自戀空倉
雀客到還烹掛壁魚十年相憶苦紆結相見忻逢歲
寒節息子墟邊嘆轉蓬白公城畔猶飛雪高談今古
誇典墳篋中所載方紛紜君能不忘湖西客且與同
觀櫟下文

過息夫人粧樓遺址有感

荆門不種章華樹此地還留洗粧處紅粉銷殘澗道
花翠蛾飛作山城絮澗邊白日自悠悠城畔粧臺秋
復秋回首故園長不語鎮教淮水向東流

流一抄作淮

望長誰家高閣映斜陽故園相
憶都無語回首萋萋空斷腸

遊濮公山作

毛甞居息不得意搢願日望城南山東甌夏君今贊
府策馬邀我遊其間出城風日稍暄霽朔風吹面面
不寒淮流本出自桐栢到此漸覺橫來窺前呼亭長
先渡馬幾曲淮流下如瀉渡口方看載一航道傍爭
欲開三雅須臾繫馬入櫪林濮公仙洞難追尋幽崑
尚自留丹竈過礪誰能採碧苓相隨野鹿度空谷便
啓清樽坐蘿屋紅樹彫時未放花翠屏高處曾懸瀑
重披荒徑啓前路策馬直臨峯頂住長淮一帶渺如
環萬里蒼茫盡烟霧從來黃白不易得梅尉當前總

仙客况有張王諸孝廉曾經出入蓬瀛宅長林落日
客未歸平田夜火光霏霏巖城欲下歲蕤鑰尚見山
前烏鵲飛
飲郭將軍竹下
萬竿修竹臨清流竹中留客郭細侯短簫橫笛向風
發居然身在蓬瀛洲行厨斫桂煮芍藥玉甕桃花泛
清酪近郭天低散馬牛空亭雨過飛烏鵲酒酣倒載
折角巾繡衣卸出紅麒麟將軍本是蒼山客不數悠
悠世上人

定情歌飲秦二保寅醉後作

數歲遊吳關不逢臯伯通長攜杵臼少相識獨行畏
約何終窮更衣夜起自擊筑暫就梁溪酒人宿深念
秦嘉是麗才久知王氏無癡叔飄飄挾刺隨襦衡風
流學士相逢迎未從隘巷窺孺子便向東家訪步兵
東家桂樹生前路秦氏從來桂中住朝起金丸寫畫
欄夜來烏子栖庭樹庭前列烏羅酒漿酒徒相顧稱
高陽羈人辛苦易爲醉午日欄邊只將睡我昔歸明
湖誦君秋帆辭愛君不得見一日千回思思君見君
恨不早悔見秋帆去縹緲同時嚴忌最高才况復君
家仲容好嚴蓀友與令在
留仙同爲詞美人何在愁復愁芙蓉開

落經三秋。今來但泝春申浦。何意還登秦氏樓。請觀
杵與臼。與君指皎日。在上羅廣衾。在下蔽蓊席。與君
戴笠還下車。相思莫惜加餐書。倘愁越國無歸雁。此
地吳王善鱸魚。

汝南郡亭飲次贈譚八吉綿

汝南城上曉。鴉啼王粲宅。傍春燕飛。故人千里一相
見。越布單衣白如練。春陽艷艷。汝水邊。桃花樹樹。郡
亭前。清明初看鞦韆戲。上巳還吟芍藥篇。自憐蕩子
多離別。愛汝中原遍車轍。彩筆能圖五嶽遊。金丹自
受三茅訣。伊昔相逢淮水頭。酒酣同過謝家樓。今來

重憶當年事。手把金樽泪欲流。

廣文先生歌贈張學博

廣文先生讀尚書。客來有鳥嘗銜魚。花間促坐絳帳
舒。不須歸去河汾廬。當時獻賦誇子虛。十年勾卒將
公車。我今相遇沈子墟。春風冉冉吹衣裾。莫嫌高論
與衆殊。此間已。是張融居。

將過松江先寄朱大用礪使君

探書出林屋。放舟遊吳淞。欲觀海上袁公壘。不問雲
間陸士龍。雲間勝地推吳下。有友驅車最瀟灑。劉毅
嘗爲郡。股肱謝生今作軍。司馬風流司馬是。何人共

識當年侍從臣。丹鳳樓邊攜綵筆。紫薇花下展紅綸。
紅綸綵筆紛相映。侍女留題請名姓。起草時聞長樂鐘。
鐘整衣不避昭陽鏡。可憐厭處承明久。解玉坊南私
縱酒。兩省通傳翰苑書。一麾竟佐江城守。江城千里
蔽東吳。黃綬金章一大夫。嘯咏全爲方外客。從容分
得郡中符。果然祖父爲三事。方信男兒長五湖。使君
少師公冢孫大君到只如棲枳鳳。我來方欲覓尊鱸。
已辭梁苑新車騎。况遇高陽舊酒徒。高陽夙昔輕相
顧。梁苑從教騁辭賦。片輿何必假陳蕃。八俊由來重
朱寓。陳蕃無事朱寓閒。題詩應滿干將山。秋高正值

鱸魚美。我欲維舟三泖間。

湖上贈何生倬炎

何伯興
季子也

秋湖十里生芙蓉。湖邊却逢何敬容。緋袍相對儼翔
鳳。綵筆欲落驚游龍。廬江自昔擅才子。前有司空後
侍史。洛下清談宛舊時。元嘉樂府傳新體。秋花灼灼
秋水清。道傍又見驂騮鳴。荀羊本是長瑜友。美爾趨
庭有令名。

送李生

并序

乃歲屆祝淵時。常顯冥甬東。李生吧源稅。駕于都
督李公之舊第。維時白日窮次。縞雪凝壁。長松倚

八
九
崑其信芳寒梅蔽扉而釋萼全人咸集各贈以詩
志永懷也原夫淇泉木李本貯瑤情灑上香蘭互
申縞結故仲宣贈子篤于飛鸞正叔指河陽于逸
驥苟懷惻惻豈乏呻吟李生抱苦心之行全儕起
定情之什以義而言固其宜矣乃戴逵入剡未聞
買山阮藉當車於焉就路陳元龍淮海之士梁伯
鸞備賃爲生將騎驢出門惟其所之牽舟上岸亦
無可住王孫遊遠道暎春草之萋萋彼美在何方
誦山榛而掩涕是伯陽適西戎而留字文巖遷斥
丘以愛言凡屬親串之所經誰勿咨嗟其善誦况

李生沉淪之士也家本閩閩世濟開府棄朱門而
勿盼甘白晝以長征胸羅星漢每推烏續之細節
撫雄雌潛識秣津之擾于是正棊旋栳辨才子之
娥趨發策兆機啓靈均之浩蕩定箕張而斗揭任
映伏與龔仲則是帝女睽蜀都而抱石大夫拜楚
人以獵冠江南投老應賦逢君稷下談天喜稱贅
婿者也夫心企東山意傷南浦蘭亭原倡旣擅糠
粃海谷遙吟當來璣壁維茲軼士預爲風漂伯叔
之詞旣屬同人應續雨雪英瑤之句
先生本是青丘子直走塵埃過都市脫履朝看圯上

星乘槎暮宿天。河水梅花初發雪。滿襟相逢醉臥東。城陰天涯淪落知無定。北斗南箕何處尋。

淮康行贈別

元龍百尺樓頭客。又向淮康奏嘉績。監郡能分五虎符。題輿不假雙熊軾。九重丹詔下青霄。十月黃鸝度翠條。朝日舉帷鹽澤雨。春風送艦射陽潮。開樽暫飲如淮酒。漸入天街見星斗。若問人懷峴首棠。但看鴉栖掖門柳。

潼川歌

有序

丹陽賀先生胤選崇禎十六年受資陽縣令夫人

請從此馭而行李自成。破成都資陽不守。先生及夫人慷慨就刃。自成怪之。命釋以俟。屢脅之。願畢不能屈。繫之別營。猶欲處焉。越二年十月賊敗于南鄭。懼中有應。乃指而嘆曰。留此輩為梗矣。殺之。同行十七口。並日死于潼川州。越十二年先生二子雲會雲舉。俟西道通。尋之不得。有彭君退庵。備述其事。復詢之資人蔡文學。語與相合。號啣而歸。雲會為司馬。與予善。予乃作潼川歌。

鹽亭何高高。梓水何連連。四座且莫喧。聽我歌潼川。潼川州南射洪渡。天柱雲封七盤路。不見潼川繞地

來但見南津上天去南津令君負奇節夜泛桃花暗
流血桃花江上草初青一夜寒風白如雪相傳此地
殲令君招魂萬里呼南雲睢陽齒落白崖裂莫弘血
墮高粱焚令君家世本吳楚北固山頭射猛虎典酣
聚米割地殊愁來投筆長心苦縣官續食計車發便
請長纓繫南越嚴助三年厭舊廬龐公百里懷新割
驚聞盜賊出巴下玉壘珠江廢耕稼白帝終成躍馬
王紅巾時起鳴狐詐慨然請行一星入夢中曾見三
刀集崎嶇九坂誰肯前恍慨王尊赴何急閩中有婦
孟氏賢從征作賦同車解綿繫樹苦食芋封魚滌

釜長生蠶倉皇烽火接城野急繕亭隍料牛馬轉戰
空聞笛裏哀升陴誰是舉旗者天心不解遂人志人
事良難勝天意縱教南八是男兒難免西川盡捐棄
丈夫死官久不屈春磨砮邊自強立完城蔓子刎已
遲斷頭嚴將生難執霜刀環視驚罕希誘以好爵啖
以糜赤繩馬頭繫有待無如南鄭傷還歸天陰雨凍
地冰裂乙酉之冬月初缺令君罵賊身死亡正在潼
川此時節君不見令君同死十七口全行死盡皆無
有彭子退庵眼見知長望桃花酌春酒又不見令君
二子遠相失十六年來尚尋入難持齒髮向天涯疾

走潼川自悲泣潼川潼川西近秦桃花水落青春新
我今歌罷潼川曲還想潼川赴死人

西河合集

七言古詩

九

寒食直史館奉和同年李漁村太史兼呈同

館諸公

春城日出賜尾紅下馬入直東華東忽言今日是寒
食愁入萬條新柳中陽春初過一百六日趁車塵苦
追逐大道時聽賣野餈宮門無復傳官燭溝頭水漲
花尙稀早寒猶着春前衣庭槐幾見火新改故國六

蕭山毛奇齡

字春暉又大可稿

文輝克有
遠宗姬潢較

年人未歸同儕相顧起愀忼此地前經設東廠今史館前朝東廠地李太史是日有詩故云斷烟祇為惜亡臣殺竹何堪謝鈞即黨鄉園日夕風雨餘沿門幾樹春桐花明朝畫舫門邊任好入春山焙早茶

送同年尤侗南歸

東堂著作誰擅聲一時並讓尤先生羣公隔舍爭問字天子殿前長喚名今來慷慨賦歸去家在東湖最深處堂上重裁薜荔衣門前自種垂楊樹吳中築室志未成集賢坊下還留行堪憐五載追隨意頓有千秋萬古情

予向渡湖時更名王士方宿竺蘭聖宣二上人房去今二十年後予過上海聖宣貽書兼索書舊日所題詩句感生於心賦此志謝并呈蘭公代訊

昔有王士方曾經擾精舍雨後潛行菰葉中病來借宿蓮花下其時高座有聖宣上人佳句繇來傳烹葵時餉白雲鳩拂軫夜彈流水篇秋風一別過湖去從此天涯隔晨暮歲月難教古寺留夢魂猶向長橋度蘭公垂老能著書不知舊客非文殊毛牲廿載尙淪落時代士方傳起居只今海上望雲日欲訪巢雲舊

九
禪室常恐紅顏今昔殊對面相看總相失蒙君貽我
綠綺琴并邀一寫蘆中吟愁心欲記當時事幾度含
毫泪滿襟

宣德窰青花脂粉箱歌為萊陽姜仲子賦
君不見宣皇宮中脂粉箱青花素瓷出上方陶模范
埴好形像燒胚燿膊非尋常曼身穴腹判兩截一道
坎中周四旁融脂淪粉恐膠結洄漩復壁流温湯宛
若麗華鬪粧罷宮溝淺膩縈苑牆何年此物坐棄擲
竟置姜郎硯塘側隔益微聞金粉香開奩尙帶臙脂
色摩抄日劇俱把弄未密甄人定何川賈胡欲認不

辨名虛女相看宛如夢連昌宮監老不堪落花時節
來江南見此忽爾驚嘆息云是先朝舊承值曾賜昭
陽繫臂紅玉函脂粉在其中盤問花貯耳泉露鏡裏
衣穿仁壽銅良人少使望春樹百子池前早祠去額
畫銷珠點暈重指尖碾玉當窩處由來摘掃最煩紆
惟此當牕好勻注紫水開屏恍瀉丹紅綿撲粉如飛
絮因之瓦甕獨見親珠械寶柙皆非倫履箱銀鑰擎
奴子鈿合金釵付貴嬪誰知世事頗難測金狄銅仙
雨中拆拾得皇孫繡襪錢拋來魏后細紋尺昭華翠
珩摧井榦道傍團扇遮彌寒庫名宜聖總散失獨留

金盃傳人問。承恩當日授。佳器前後紛。綸向能記花。
箱雖好。何代貽。知爲宣德年。問事我來吳。會當歲除。
東湖水。落西流。魚姜郎。酒後出示我。令我抱之長歎。
獻黃鐘。土釜本反覆。幾見桑田變成谷。半世紅顏委。
道途上。陽白髮。誰膏沐。箱空脂盡粉。未調當前若個。
真娥媯。君家陳寶世無算。爲汝一歌宣德密。密。密。
汪主事以藍羅裙子束織腰。畫卷索題。
紅羅衫子身材窄。裹得長裙楚絲織。翹末飛爲海上。
塵蔚藍。染就春潮色。闌邊楊柳空拂衣。手中紈扇釵。
頭璣。請看雙帶迴環處。長抱纖纖知不知。

錢編修所藏司馬相如玉印歌

漢庭司馬梁園客。早歲爲郎晚馳驛。因慕邯鄲舊相。
賢借取高名註。屬籍當時原有摹。璽書大者龔石小。
琢珥螭首龜膊總。啣帶碧文綠籀皆。施朱相傳解玉。
刻小記四角中央。構名字。檄使填將喻蜀文。酒徒印。
作當壚。莽于今相隔年。又年不虞此物留。人間上衣。
苔繡半斑駁。銀鈎玉筍還新鮮。截肪徑寸覆玦紐。何。
必黃金大如斗。錢郎得此真罕希。每與秘書通繫肘。
會當天子好古文。相如已。是同時人。尙書給札令。
繕賦落筆殿前。如有神。遂登著作入金馬。名在何須。

更相假對策。姑令董仲先。容才久爲廉。頗下長安秋。
盡寒欲來驅。車一上昭王臺。酒間出示爭。把翫令我
懷。古生徘徊前人意。氣不長在况復微。文等光怪何
物雲英護。此符歷劫千秋。不會壞龍門。遺冊懶未收。
圖書堆。槩能生愁我。今欲借文園。篆一惹桃花紙。上
油。

雪中陪益都相公請沐善果寺卽事奉和原

韻

長安佛寺稱最麗。洛下伽藍鮮殊異。請沐長從丞相
游。祇惜香山遠。難至上冬十月大飛雪。禁苑層層凍

雲結。捲幔驚看花絮飄。點衣化作細紋。縹緲風吹捲
勢轉濃。特尋古刹烟嵐重。封將塔上千尋。荔寒到門
前。幾樹松香。厨設饌飯尊客。啼煞慈鴉日將夕。更上
毘盧閣上觀。萬里山河一時白。晚來積水井露盤。椒
蘭被體能忘寒。何期太子浴堂內。竟作春風沂水看。
我今逝欲埽塵曠。到處追隨傍車轍。縱使宵深歸路
迷。敢道足寒傷馬骨。

題袁孝子負母看花圖

東園花發好顏色。白髮欲看行不得。負母能傳江革
心。娛親自竭曾參力。春花已落不再攀。高堂老去扶

來難只今負手花前子長把斯圖帶泪看

葉主事歸黃州有贈

宮槐初落秋雲飛天街雨來塵漸稀金門待詔苦寥
寂索米欲炊饑復饑黃州進士子高後十載通籍猶
羈遲郎令丞博許就薦高文足句聖主知誰審司
事去取異清河轅固翻令歸長安苦寒兼苦熱走馬
流汗食不肥炎歊退後喘稍定頓覺晨氣侵絺衣綠
楊橋畔有故館雪堂竹樓皆莫幾逝將去此作請澣
後會重與春明期人生出處與快意出資急決處莫
疑何為鬱鬱守冰坎天寒日暮空嗟咨

時呼翰林為一條

陪益都夫子游怡園假山奉和原韻

佳日雪乍霽倍侍游名園到門翠巘列入徑蒼雲翻
蒼雲翠巘轟千仞靈掌丁牛較難認拔地神虬挾霧
騰攫人健鵬摩天迅何須占業沁水頭啣杯且作南
山謳他時春漲沙棠發巖下重為汗漫游

寄祝興化李映碧先生廷尉初度

少聞前東李司李神鑒傲若海上日越州比士借校
文取子兄萬置第一予時六歲勝婢肩斯事已在崇
禎年久傳司李作名諫既進廷尉猶犯顏石頭初下
大航渡曾使章安出東路浮海長為蓬島游還家羞

著蕪城賦。彤廷策舉。郡國賢忝予捧檄來長安先生。
掉臂塵埃外。與客放情山水間。卽今史館辟遺獻。尙
向通門集羔雁。符使親求司馬書。蘭臺終藉安陵傳。
獨慙兄仕止。廣文予亦老大非青春。先生華髮尙彊
健。有子早爲東觀臣。從來皇覽重初度。欲寄清觴展
遐慕。不知柱下一星明。但誦函關五千數。

蘇門人題方田伯躬耕養母圖

先生把筆如把鉏。擷芻負米行江湖。偶因嚙指得心
痛。幡然歸去南山廬。春田過雨綠初漲。隴上炊烟喜
相饒。叔豆應披王霸衣。耘瓜尙荷曾參杖。高堂白髮

負日暄。江魚水荇堪承歡。抄書過市當晚讀。綉閣近
山防早寒。廬江季行本千古。他日登堂拜賢母。重展
斯圖對酒看。莫望南山愬辛苦。

相逢篇爲李公子作

豪不馳玉勒。馬俊不挾金彈丸。所貴結交重。然諾久
要不負平生言。錦袍燦燦振長袖。李子相逢宛如舊。
肝膽嘗傾劇孟前。聲名不在劉生後。當年把臂意氣
遙。酒酣同射西陵潮。追隨燕客且擊筑。歸來吳市還
吹簫。只今奔走困前路。謝爾清光展雲霧。解得吳刀
持贈予。價值千金不相顧。世人交友只在錢。舊游散

盡心茫然隴西公子幸無恙與之共賦相逢篇

題曹石庄滌硯小影

吳中高士曹石庄建安詞賦趨劉王翛然植杖坐林
麓尙着秦人舊時服書成欲換道士鵝春池濼濼環
清波小童持硯濯波去清影滿前如影何

送同年范太史還吳門

秋風颯颯南雁翔昭文才子還全昌橫門一道軟塵
發令我黯然懷故鄉軒車數隊駐柳下野祠設幙留
供張啣盃徐起贈鞭策意氣歷落不可當華廳分草
登左榻山池賜羨出上方况握竹管記前事高踞柱

下稱三長其如溫飽非所志曼倩日俄東郭偃亦知
史局本異量兼荷制舉羅非常璽書曾答太子令侯
相乎道申屠剛縱令种郤使覆對猶拔仙室冠望郎
而乃掉轡古薊野從此覓路秦餘杭我家東浙鮮刻
宅回憶北山空草堂他時得返越州去爲汝一停吳
市傍花飛渡口遇慧曉草深墓下尋真娘買隣縱未
近樂圃訪友定能通野航朝霞幾縷開上谷流水百
道傾高梁故人分手自茲別繫馬欲行看綠楊

書馮二世兄學正卷子

穠葵結葉蔓河洛曉露啣衣當秋雨爲予欲取茂陵

人同看城南賣薪女長林嘶去驕馬嬌百金裝出珊瑚
梢揮來代作定情物相門之子真賢豪明將入學
教國子年少能傳四門史昭遠從來善解經公超所
至應成市予方就飲學戴崇閒游重覓山桃紅不疑
老作金門客仍在成都酒肆中

翁司馬之任黃州以詩留別有贈

橫江館前江水清臨臯亭畔春花生黃州司馬甫到
郡八縣一州官吏迎都亭飲餞策去騎爭羨當塗好
騏驎人如仲舉入官時郡是東坡舊游地天涯邂逅
意氣真相看本是同鄉人多君惜別留賦詠愧我出
游恣隱淪昨聞巴水大破賊萬里江流盪行險倘能
汎艇過黃州便可相期在赤壁

詔觀西洋國所進獅子因獲遍閱虎圈諸獸

敬製長句紀事和高陽相公

古皇慎德開四譯內被綏侯外蠻貊貢物區爲王會
文共球載在賓庭冊河鏐吹翟獻上方堯離傑休陳
明堂三靈既應百神洽般般之獸皆翔翔康熙戊午
十七載神武聲名播遙海五時從教白澤來千門真
見黃龍采鴉翎習習負矢飛鷄斯之乘歸林支諸方
執費儼相列東漸溟渤流沙西子中有國名古里曾

渡。瀾。滄。作。海。市。魚。眼。看。波。射。水。紅。鮫。絲。織。浪。翻。雲。紫。
地。當。申。未。產。獸。雄。金。精。傑。出。毛。羣。中。啣。絲。飾。組。獻。
天。子。裁。貝。作。章。辭。禮。恭。從。容。慳。致。射。熊。館。不。爲。珍。禽。
爲。懷。越。虎。落。時。看。接。上。林。鷹。房。秋。到。移。南。苑。廷。臣。侍。
從。欲。賦。詩。皇。恩。有。詔。徐。觀。之。圓。目。昂。鼻。有。筋。力。懸。
星。掣。電。無。雄。雌。獨。憐。衫。髮。未。卷。曲。曳。尾。緝。緝。若。散。絲。
衣。被。欲。成。鞠。色。見。牙。齧。不。使。鉤。形。施。爾。時。羣。檻。柳。諸。
獸。木。壘。槍。樊。列。前。圍。熊。羆。避。路。不。用。當。虎。豹。攀。欄。有。
時。吼。青。鸞。赤。雀。相。對。栖。豪。猪。野。馬。爭。游。嬉。張。昭。見。此。
不。動。色。朱。亥。在。傍。何。所。思。聞。之。有。熊。狩。賜。谷。獲。得。狡。

猊。比。牛。畜。漢。時。安。息。亦。獻。斯。形。似。麒麟。但。無。角。從。茲。
郊。祀。播。樂。章。射。烏。格。鹿。非。尋。常。饒。吹。已。陳。朱。鷺。曲。微。
歌。還。及。白。狼。王。何。如。儲。峙。未。完。緝。詔。遣。求。賢。其。來。
集。東。堂。甫。布。網。羅。虞。西。域。剛。逢。旅。葵。入。招。搖。乍。啓。禁。
籟。開。白。麟。有。對。皆。奇。才。請。看。太。保。卷。阿。賦。恍。見。文。王。
靈。罔。來。朱。運。副。七。十。會。贊。夫。年。州。創。象。分。新。德。
南。陽。朱。季。絕。凡。俗。曾。破。黃。巾。苑。河。曲。車。茀。題。來。錦。字。
紅。商。船。載。去。滄。波。綠。居。平。忼。愾。能。任。天。但。行。直。道。歸。
林。泉。洛。陽。若。有。耆。英。會。誰。謂。張。燾。非。少。年。

鹿門先生好讀書百年之範聞中居手披文史衣佩
 琚穿針不纈雙蜘蛛當年太僕扣闔閭夕陽亭下悲
 歛歔黃瓊終為黨錮誅曾贊夫子呼階除迄今講學
 河汾廬練裳木屐相巨儒席門猶過王公車銚有美
 酒盞有魚時當初度獻玉璫攬之日月同居諸庭前
 又見丹花舒

醢雞篇贈藍漣

聞江豪士藍公漪白晝踞牀啣酒卮有時裸袒抱銀
 甕翻糟蹋滓眠清醃生人慷慨貴行樂百歲促刺能

幾時不見東隣有王者罔誕擬作劉安辭西家小侯
 亦何用拔山驅土填海涯以茲感激俱作達日事備
 漱唯恐遲長恨書籠非釀具欲使畫簾當麴衣良朋
 總在履道里妙地絕勝高陽池醉來倚壁且塗墨興
 發對人長賦詩一花兩葉倍精爽千言萬字皆離披
 高堂名父過八十口能啖肉手不藜閉戶尚作擘窠
 字小如舂籒大若箕承器捧缶作其旨花前月下恒
 娛嬉子父相對指白薄八斗一石何足奇顧視越客
 忽大笑甕傍那得來醢雞

山中再宿

九
小溪淅淅覆草裏。大溪灑灑長松間。高岩雨聲到松葉。一夜冷徹桐君山。山中寂歷無近遠。再宿始知路深淺。蕭蕭衣露若散絲。松牀日出歸來時。

中秋後風雨連日蒙馮老夫子賦苦雨吟見

懷依韻和答

毛錐處囊不立見。空道南金與東箭。月上師門苦未通。况復相違比牆面。憶昨三五待帷幄。酒花燭樹紛歷亂。那知月沒燧生豐。隆屏翳起鬪戰。衢巷水大車馬沒檐溜。衝階有泥濺連朝。漚漚喜甞尙有絲雨似。篋線安得東海大鷄鳴。攜我飛騰到日觀。秋高

雲隙收。斷虹風急。崑前送歸雁。忽讀夫子苦雨吟。令我口齒重激盪。情親恍續謝客愁。調警似問楚女散晴雨。燥濕亦恒事。讀書所費在合變。只慚才劣和轉難。不及劉楨賦公讌。

奉贈李公子鄉舉入試長句

海上五旒鳥。三日生絳毛。鷄斯有良駒。蹋地騰雲霄。廬江才子擅宿慧。數歲能通秘書字。人世驚看豹彩生。兒時不好鳩車戲。雙瞳皎皎鸞鳳姿。清神宛濯秋河溜。攀楹早著鷗鳥賦。對客自吟梔子詩。行年十五舉進士。獨對春秋解微義。擢科不藉買童名。上殿竟

隨楊億試黃紋袍子。短稱身紫駟騎。作紅麒麟君家。
奕葉掌詞翰。玉堂仙李嬌。青春從今直上紫霄去。萬
里風雲起前路。欲問慈恩誰少年。但看春官乞詩處。
又和益都夫子雪中游園口號原韻
雪飛滿園夜若繡。誰云夜雪不到晝。况有季彥後來
秀。追陪几杖四座春。招携總是平臺人。抽簪授簡真
良辰。冰凌結花不卽謝。入林恍坐萬花下。祇訝入夕
花未夜。斜陽嗟射雲隙開。傍檐鳥雀啾啾來。坐花肯
向花間回。

奉和益都夫子雪中游祝氏園林原韻

三輪出游忝陪從。燕山一夜雪成凍。尋古寺塔樹
深。近見平林酒旗動。孰期名苑環木坪。幾曲層軒繞
松棟。欄邊花竹娛晚晴。盤內蔬蒲損午供。寒鳥偏教
谷外啼。冰凌故作枝頭弄。酒傾百杓輪阮宣。裘敝多
年過平仲。墮地陽鳥欲射難。有月如弦那能控。

戴公子生兒適大理君遷京兆信至

秋風瑟瑟玉露滋。庭前桂樹生新枝。朱欄噪去烏鵲
侶。錦堂抱出麒麟兒。執手命蘭已擇日。探丸拜麻當
此時。筵開湯餅雜三雅。滿座朱衣正瀟灑。有客能傳
京兆書。阿翁已走章臺馬。男兒儻似長文儼然頭。

角生風雲當筵况有清都信不試啼聲便識君

過宗藩輔國將軍邸第留飯兼蒙賜詩賦謝

長句

擁彗不入齊相門挾刺不謁長史宅紛紛花柳看滿
城那有停車道相識掖門東去蘭坂長五王舊第環
宮牆平臺遠屬諸國邸復道自述典慶坊瑤林玉樹
蔽階池帝室名駒總千里講易能踰沛獻賢好詩
不減元王裔風流大雅真絕羣愛予曾誦予為文每
予詩文相逢倒屣宛如舊入座縱譚驚未聞金杠皆或誦
帶掛珠幔日射懸螺恍流電自軸牙籤夾書翻一

花影翻書案繁肴錯核難具陳紅肌紫翼青絲鱗湖
筍盈杵如切玉山梁作飯似傾銀逡巡授簡發毫素
示我新篇出雲霧麗句曾開瑪瑙屏清音漸啓金笳
路長吟短詠皆有情黃塵罷舞鴛鴦停聲西園徒厠賓
客履梁苑竟慚枚馬名御溝春水晚鳴咽暝色重重
暗林樾惟恐漁舟難再尋坐對桃花不能別
夜飲梁尚書宅有贈

宣平門前吹朔風大車小車如轉蓬縵冠挾刺向何
所為謁鉅鹿司農公司農文賦早名世高啓龍門似
司隸七序傳為梁氏詞一臺寫出尚書字藝林雄視

四十年走趨幕下多豪賢愛才不減天倉粟列屋曾
無月獻錢見子倒屣設餐飯竹席蓬屏坐來晚燈前
分牘避逡巡酒後高談驚近遠山茶花發紅滿牆夜
看賜劍皆文章同元是巾樞宿欲返天街一望長

西河合集

蕭山毛奇齡

字初晴稿

郭鍾機石城較
孫眉光嘯夫較

七言古詩

戲贈徐曼倩畫扇

徐生妙筆似魏華又似趙昌能畫花東家嬌女白團
扇乞畫牆東落花片紛紛映蝶趣滿林我亦見之生
愁心故人。有子得如此何用滿籬純是金

紫庭篇奉贈張庶子史節總裁初度

自昔至人生有為河游龍蔡山出雲紫庭五象不恒

見含華苞德離人羣。清河夫子水峻閭戶排三戟門。
十輪光揚世德。誦芬烈絲綸入掌。推金昆嶺傳鳥策。
結碑版字譯馬馱。增典墳館草詳略。總新意庭花燦。
爛皆奇文。伊予薄學。恥操瑟外郡。不知枉薦纁入都。
挾刺但局促。登堂納履爭紛綸。盈杯飯落塵尾屑。列
鼎氣。兩物膳。燕微言。要旨均有會。窮蒐極檢真難聞。
恭逢天子重文學。議修前史藉討論。首推東觀作
楷式。如平有準。直有紋。又如杞梓任裁割。一一得施
大匠斤。憶昔浙省論鄉秀。曾發策問如所云。明史諸
按互得失對者。不若問者神。爾時予以避人去。恨未

考辨似向歆。今膺編纂得主者。宛然予師河汾長。
羸既至。遭皇寬。天門日出烈若焚。張星儼在翼軫刻。
公子時見倉琅根。但識四矢月絲。簾那知三鳥拖青
裙。江左舊族本最重。淮南有文當自尊。千秋得志苟
長在。世人安用徒紛紛。

贈王舍人赴常州幕

去年同詣公車門。有司藉藉推公孫。維文海藻騁偉
辯。開廣殿前驚至尊。須臾授職令著作。不及郎官
並丞。博獨隣垂老。軼清河但入中書。詠紅藥天街對
酒。冬復春。高粱柳色侵衣新。師門相倚頓分袂。令我

黯然傷遠神。蘭陵酒熟野。花發此去江南好。時節那堪。羸馬夜歸來。空望金臺一輪月。買田陽羨心自開。莫嫌蓮幕春風寒。他時憶我新詩好。應在荆溪水榭間。

奉和崑山葉掌院夫子題翰林院壁川東坡

清虛堂韻

翰林院前堆北沙。翰林院裏通南衙。與廳衆制但分草。列館一區長種花。崑山夫子乘文府。授易遠探七。十家日繙縹冊。傍銅鶴慢挈鈴索。驅僂鴉。教令掌筆定前史。美刺不雜萎。與葩祇慚諸子濫。藉氏响紙收。

穢煩鉤爬從來道。潤鮮靡泐菊苗蘆。菴不換茶兒傳。五教警聾曠隻手。肯卸懸田。拋秋風院落久。發揚見補葺。翻嘆嗟。時新修院成學人績學有如是。請看壁上揮丹霞。

輓歌詞送盛廣文槐旄還里

君不見。穎川陳仲弓。公卿會弔縗。麻同。又不見。南州徐孺子。獨抱生芻走千里。由拳夫子學術明。早年兄弟同成名。漢家應辟推楊震。秦代通經重伏生。偶然曳杖歌。延佇遂賦雄文玉樓去。堂上鱸魚躍。未能慕。傍犬烏歸何處。生平感慨不得酬。空吟華屋還西州。

天寒執紼錢唐路滿目江濤滂泗流

金匱仙人歌贈陳子太士

有序

陳子太士與予共文會者將二十年曾登選樓甲
乙諸試帖墨義雜文示天下天下人爭奉爲金科
玉律疆估藉之起亦門利旣而擄去得葛洪金匱
術遊遊長安予被薦就試試之前三日石于病瘳
而潰于炭腕脹如長瓠五指僵盡告吏部不聽告
以監臨掌院不聽隔試一日將夕矣遇太士于途驚
正曰何不早示我令至此急市藥三升許渡之令濯
盥自溫至涼再渡之指漸有文至滿一下又渡之指

皴次日赴試 泰和燬腕仍發痛如艾熨痛下而
指訕可書因勉書完卷出出則病亦滅是雖天固
厄之然太士醫療之神何可沫也踰月予從諸君
後蒙

聖鑒取中且用古制科例授館職因感太士術作金
匱仙人歌謝之詞頗不敘致其意

昔者葛洪得神術著書金匱稱仙人千載以後鮮繼
起肘後有方空復陳穎川才子擅文藝月旦時賢等
操莽海內皆知伯玉名樓頭只許元龍慙學深二酉
通九淵夢隨鴻術游鈞天長桑與客意氣合種橘啖

人。淮。海。間。天。街。二。月。花。正。發。忝。詣。公。車。向。高。闕。斷。手。
徒。令。拙。匠。嗤。寸。心。久。爲。貧。交。竭。時。當。召。試。入。玉。除。
大。官。將。賜。蓬。池。魚。九。重。前。箸。欲。借。挾。一。時。左。手。難。
空。書。公。乘。交。臂。頓。有。省。迎。鳳。坊。邊。酒。初。醒。煮。藥。惟。燒。
王。質。薪。潞。肌。不。用。蕪。鮑。井。深。慚。手。指。重。五。斤。非。時。能。
訕。還。能。伸。多。君。九。折。作。良。宰。惠。我。一。劑。真。有。神。上。醫。
醫。國。本。恒。理。况。有。高。文。比。秋。水。他。時。金。匱。獻。書。成。當。
復。逢。君。杏。花。裏。

送吳農祥徐林鴻二徵君南歸戲倣宋人體

詩兼示王二內史徐二布衣

由來徵士仿劉漢。雖經制策無去留。唐宋以選較文。
賦大科異等區其尤。國家貢舉三十載。未有博異。
入計郵。天子下詔舉文學。外責大郡中列侯。忽當。
選引及亭左。魚龍鵠雀紛啾啾。不才捧檄固辭謝。徵。
車疆載豈自由。同時得謁丞相府。王吳兩徐世莫玄。
念我宿好頗相愛。十日五日登酒樓。秋蒲冬菜及春。
韭爛醉倒坐驢馬頭。豈知聚散各有數。孟夏殿試。
當臈斛尙書給札。大官饌雜席簾陛稱博。搜諸子落。
筆似颺發吳徐六論尤。最優丞相執卷三嘆息。已置。
祕閣第一流。予值臂瘍縮秋。馴斥落不敢仰與傳黃。

封既進微。卻鑒倏移後。乘加前。帝命宗
名下猶執數卷。爭獻投何期。屢獻總不得。遂令殿後
成懸疣。韓愈三別名。豈惡蕪轍四等文。更道獨有容
疎陳彥古。進退不識汗。而羞春風初斷夏。雲熱長安
塵土如蒸。焯沿街呼賣紅芍藥。傍檐倒插黃石榴。江
南四月下雀雨。道左一望成鼠憂。况逢二子欲遠里
執手相對雙泪漉。我有草堂在東郭。垂老亦欲居優
游。久別但使猿鶴怨。還歸不厭花木稠。豈可據地久
淹此。駕言受事濫纂修。潞河百里掛帆去。快喫不得
同舟舟。猶幸將歸王內史。適與徐仲行且依丈人。

蹇就遲暮得失開出如水漚。此行莫怨得復失。天下
豈有後臂侯文章千載自難沫。世事百變何所求。臨
岐對酒且復酌。看君腰下雙吳鉤。

何萬藏書詠

王修畜經數百卷。張華載文三十車。自從舉士不好
學。人間無復藏書家。盧江萬軸比冊府。時藉鈔黃較
魚魯。日映籤頭五色紋。風颺篋下雙垂組。從來善後
慎所遺。籛金有盡還周饑。我今枵腹願早計。莫笑借
書無一鴟。

送吳明府超遷觀察之閩

漢魚十歲不掉鬣一掉直上天門問從來神物有異
量豈與世數同往還夫君百里本寄跡要使殊才破
庸格司隸何妨拜茂陵通侯久已稱褒德一朝治行
天下聞果然第一推番君聲名特達播聞闔頓令平
地生風雲丈夫入世貴側儻攬轡登車氣何爽望去
雙旌擁轆輪行來八察加兼訪東風二月度七閩溪
花。海。樹。郎。官。春。巖。生。自。足。開。甌。越。何。必。平。津。解。笑。人。

慰尤司法喪婦作

悔庵初為永平司理

秦嘉垂老上計車閨中無復紅羅襦長卿獻賦不歸
去那得有婦留空居熒熒白兔走且顧南北東西隔

長路挽鹿難追司隸馳鴻先例要離
斷不成悼亡賦罷顛毛生從人但道婉婉隨使後
增伉儷情當年司法北平有共識使君自有婦今來
被召入帝京不道寒房夜炊白桃林關前桃樹
新東風吹作灤河春相尋倘認盧龍路應遇金臺夢
裡人

項學士招沐益都相公萬柳園同諸公卽席
朝上金商門幕宿永寧里翠帔結烏頭黃塵障驢耳
同鄉先達項橐師鬼鬼副相居黃扉見予落托頗矜
惜往往引手相扶持連朝待漏趣入侍看倚金鑿

判封事御餽盤分錦菜羹宮衣袖惹殊花字旋從請
沐呼飲問便尋杜曲城南端紅泉舊有昇平宅綠野
新開裴令園長樊介隴辟廣畝種得垂垂萬株柳九
列頻教汁染衣三眠不用枝生肘青絲碧縷布作帷
今來正值東風吹珠軒玉勒請載過名賢豪客紛追
隨紅橋初度入欄曲木末空亭接林隩平原漫衍馬
埒長旄澤潯移覆朱屋霜摧雪壓葉漸疎猶然鬱鬱
園中居官渡城邊朝繫馬永豐坊裏夜藏烏藏烏繫
馬兩不見短榦長條拂人面蓊蔓難分蘩上營風流
那減靈和殿閒堂四座傾酒卮行厨炙鹿選烹蠶庾

九月十九日登淮陰城東程將軍塚

淮陰今在紫

霄宮南

層雲盪晴空涼風薄枯草我登淮陰城秋衣振縹緲
淮陰城東有高阜九日初過又重九閻君父子好探
奇閻修齡若邀我登高共飲酒籬頭黃菊堆酒卮風
前重把茱萸枝雙攜銀榼墜鸚鵡頻開鏤椀燒蟲螭
飄颻千里試一望射澤鹽陂滅秋漲烟浮蒼藹到海
平日湧黃河向天上紫霄高闕凌其宮霓裳羽節吹
長風圮橋再見赤松下淮王自坐丹霞中前臨巨塚
近千尺半倚城根半葦陌水落難知王氏墳道傍猶

睹滕公宅閭君本屬唐相餘稱言此是將軍墟神堯
定鼎畫麟閣程氏高勳析珪爵曾留淮海鎮徐方因
釋金龜墓繁弱千秋甲冑掩黃土猶抱旂走風雨
介馬嘗隨龍虎號銜花近見牛羊舞秋風醕酒瀉玉
斝幽思還視飛鴻翎昭陵西望久寂寞鼎湖南去愁
青冥銅笙一曲倚靴竹戲馬臺空散黃鵠把酒頻看
琥珀紅拂盡殘碑不堪讀

朱明府禹錫生日作

梧桐生朝陽不與楓棘群鳳凰翥高岡燕雀徒紛紛
我行淮陰謁朱博正值朱絲紱麟角關令長看柱下

髮與之相遇長安街雙瞳炯炯負意氣手披下將市
磨礪鉅器知爲王儉才請纓未遂終軍志他鄉各恨
相見遲贈予長句如哀絲酒徒慷慨和未已令我聽
之心骨悲從來知已老彌寡擊鐘無聲且擊瓦感君
任俠過季心空道微文似司馬宜秋門前霜葉黃解
衣但醉當壚傍吳姬十五正年少新滴玉槽蘭水香
孫侍讀初補學士復將還養于其生日歌以

贈之

射州學士孫叔然早年草詔蓬池邊乞歸養父三十
載登朝綠髮方鮮妍山池宴罷出就舍二月含桃摘

盈把倚案羞裁五色書當街且控三花馬綵弧初絙
還養鄉鬱洲山色仍相望臨行欲致留君意郢水坊
南酒正黃

寄黃州向君

予修史時錄史監
生向在江之父也

石陽城西江岸春龍丘高士方山中讀書蘭浦水長
碧把酒雪堂花似銀金門獻策路中斷綠髮紅顏有
時換華頂難同禽慶遊柳邊且共稽生鍛趨庭皦皦
白玉姿燕臺石鼓來題詩文章久為成均重筆札新
從翰苑知園冬史館分入直輒以芸廳見顏色因道
家公舊有心能使羣賢遠相憶一疋江東下繞臨臯赤

璧于今戰未消誰解此中閒歲月有人家在綠楊橋

送趙郎中推使揚州

曩者始元舉文學盈廷辯難惟推向茂陵魯國各持
說但欲摺挂桑弘羊今來待詔給筆札方值征輸事
遇伐大夫文學相見疎誰敢著書論鹽鐵司庾覆錦
稱望郎懷香握草趨明光延清詞賦韋氏學二妙有
誰能抵常星輅奉使推邢上畫舫紅橋截春漲豹尾
朝懸估客巖鼉鳴夜度官艚削揚州此去風景殊繞
朝不用禁行車關門紫氣時時見為我重詮道德書

題暢心閣四子

王二光
祿別業

王生本是烏衣郎家藏司馬金翦章草堂開向衆山
裏高閣下臨湖水傍春雲出軫入帷幔朝雨盈碧接
南岬檻外長町裂芡衣門前漲水浮花片沿湖東上
一堤遙跨向湖心有畫橋唼啣波間翻雁鷺參差沙
面長蘭苕種來隔浦荷千頃看去當風柳萬條晴光
繞樹烏雀噪縛得芒針好垂釣載酒嘗過阮緒家到
門總是王猷棹談經抽牘并論文山根紫筍方穿雲
斲還烹就雜茶薺玉帶有泉天下聞相傳此地卽蘭
渚上已曾經集王許千秋尚憶稔賓年三月定傾留
客雨今來同作京國臣高粱屢見桃花春敝衣但濯

龍池水解帶難揮馬棧塵夢中攀得鄉井樹欲賜官
湖乞歸去狂客新祠久未成務觀舊宅知何處十年
奔走無宦情相期空負南山耕多君猶有逍遙館每
欲題詩三嘆生

蒙內府席學士高軒見過隨于報謁時留飲

感賦三十五韻

帝城春暖柳漸舒烏裘百結懸柴車王門何處堪曳
裾徒然懷刺隨屠沽北宮才子金馬廬曾披錦字紅
綾書從龍起自豐沛墟虛懷善下愛腐儒春行漸訪
于木閭自慚十載沉江湖浪隨嚴助思上書惟恐操

瑟非所須欲行還任多趁起到門挾帶但掃除俯首
不敢繫履絢何期門吏禁走趨居然倒屣迎王符鼈
扉宛轉闌綺疏邀予並坐紅氍毹清談揮塵閒有餘
腰間尙掛雙玉魚御河流水烹蒲壺攢盤苑核兼山
蔬楚苗之食隴阪蕪間寫馬酪傾乳酥宛如水底蟠
珊瑚酒間誦我文未疎芻蕘曾採東園株鸞鳳五色
狎野雛從來薦達稱子虛枉稱予賦同不如方今築
館招燕都千里共披駿馬圖丈夫知己無處無醉醒
何必懷菰蘆

送趙棠溪歸西江

棠溪趙子真天才千里馳騁如龍架管因借箸宰吾
邑滿城萬戶皆嬰孩今來相遇蕭州路早向長門賣
詞賦黃塵撲面風捲衣燕墨揮毫有神助春光初動
柳拂波故園花發思如何掛帆通潞欲歸去酒徒市
上還悲歌天涯去住總爲客請飲杯中壯行色此去
無愁良會孤前路何人不相識

益都師相請召同館生西堂讌集川陳檢討
卽席原韻命和

從來珠履羨黃歇好客高風久淪沒但道公卿善下
人有誰肯結王生襪况予落托久不前那得幾揚似

糠。麩。何。期。夫。子。亟。引。手。不。使。出。官。請。六。竭。坐。令。蓬。藥。
個。僂。人。頓。入。玉。堂。造。金。闕。季。秋。望。日。日。將。卒。諸。生。講。
論。燭。未。跋。突。開。絳。帳。通。酒。漿。恍。為。戴。崇。設。肴。核。炙。肉。
分。脔。入。豆。新。霜。葵。軟。齒。嫌。匙。滑。當。筵。酌。斗。如。挽。河。那。
顧。中。宵。有。星。孛。須。臾。銀。箭。落。如。雨。帝。闈。已。閉。絕。鬼。謁。
第。恣。雄。談。未。肯。降。轉。使。深。盃。不。停。罰。我。今。納。履。將。欲。
發。世。事。紛。紛。慢。相。訐。人。生。好。會。能。幾。時。日。月。東。西。嘆。
倏。忽。不。見。貧。兒。甫。釋。褐。便。得。登。壇。仗。鉞。何。須。把。定。
三。寸。豪。只。賦。天。心。與。月。窟。朝。來。爽。氣。滿。西。山。吾。且。支。
頤。挂。牙。笏。

西堂讌畢仍用前韻擬宮怨詩益都師相詩

先成命予援筆立和其後

長。信。宮。中。秋。雨。歇。昭。陽。殿。裏。星。初。沒。秦。女。朝。來。未。卷。
衣。班。姬。夜。久。將。池。菼。憶。陪。阿。姊。學。針。線。頗。厭。小。郎。食。
糠。乾。第。向。釵。頭。綴。玉。蟲。幾。曾。臂。上。真。朱。弱。誰。知。一。旦。
遷。良。家。遮。纜。黃。羅。赴。天。闕。才。人。下。比。廝。養。卒。永。巷。隨。
行。覆。足。跋。每。開。溫。樹。使。探。花。但。食。金。桃。便。藏。核。我。今。
欲。織。龍。袞。裳。桑。壇。浴。繭。如。脂。滑。祇。恐。練。成。五。色。絲。朱。
紫。青。黃。變。為。字。古。來。九。嬪。掌。婦。儀。不。使。三。宮。盛。女。謁。
同。車。宜。謝。璧。門。行。退。養。其。蒙。掖。庭。罰。况。當。邢。尹。甫。見。

麟。豈。有。昭。儀。敢。相。許。春。花。秋。月。如。等。閒。暮。雨。朝。雲。總。
翁。忽。弟。服。華。袿。拜。屬。茵。何。須。繡。黼。提。章。鉞。莫。道。飛。蛾。
善。築。牆。莫。言。狡。兔。能。營。窟。官。家。如。點。上。陽。人。恐。有。佳。
名。再。書。笏。

膠東道中寄周生六十初度

拒。霜。花。發。紅。滿。枝。畫。屏。金。鳳。雙。差。池。汝。南。高。士。遊。花。
甲。弧。欠。在。囊。酒。在。卮。迴。思。夙。昔。擅。聞。望。藝。苑。鷄。壇。屹。
相。向。第。五。名。垂。鵬。騎。開。中。郎。文。在。司。徒。上。閉。門。高。臥。
三。十。年。東。堂。有。弟。留。花。甕。潯。陽。自。負。達。人。譽。洛。下。共。
稱。之。子。賢。與。予。意。氣。頗。相。得。論。議。當。前。快。冰。釋。茶。炎。

猶。存。澹。泊。心。朦。朧。不。費。推。移。力。周生每談名理故云自。憐。歲。暮。
淮。海。行。馬。前。挹。水。長。清。清。只。因。早。向。膠。東。路。時。見。長。
庚。徹。夜。明。

宛平相公初度奉贈七月八日

往。者。開。國。主。文。教。前。有。宗。伯。後。七。兵。燕。許。一。時。得。
父。子。袁。楊。數。世。皆。門。生。伊。余。被。詔。待。官。邸。親。謁。尚。
書。集。賢。里。堂。供。先。皇。舊。賜。書。園。通。後。夜。新。添。水。春。
雲。繞。屋。花。繞。牀。豈。期。絲。竹。還。東。庄。翟。公。在。籍。甫。終。制。
曹。相。就。家。趨。辦。裝。槐。廳。人。坐。署。堂。押。百。職。班。迎。敢。相。
躡。鼎。耳。環。看。總。赤。文。詞。頭。待。判。加。黃。帖。自。來。策。拜。重。

報。昨。况。復。新。參。本。名。輔。題。回。重。思。黃。母。后。恩。探。符。特。
 赴。陵。園。路。三。年。橐。筆。為。史。官。私。書。不。敢。投。任。安。感。
 公。冰。鑑。炯。相。照。使。我。墨。花。寒。未。乾。始。知。元。宰。受。帝。稟。
 手。摘。星。辰。類。菽。萑。不。信。試。看。河。漢。間。昨。夜。天。孫。布。雲。
 錦。

(Faded bleed-through text from the reverse side of the page)

西河合集

蕭山毛奇齡

字僧開 又名性翁

沈宗熹師尹 郭鍾機石城較

七言古詩

吳興太守行

吳興太守本仙吏。早題姓字慈恩寺。興來豪客坐滿。
 牀。數斗烏程不知醉。拂衣歸去無一錢。攜家住在閭。
 門邊。從事作詩好。合集吏部出行那。有船當年相過。
 慧曉宅對客揮毫似飛翮。天半流霞總失妍。聞中刺。
 繡皆無色。夫君自是園季倫。採芝處處忘冬春。肯將

商洛山中客還作留侯門下人

時太守方辭薦辟故云

昔日篇送任令南還上海兼示王十六舍人

昔者結髮共文硯王韓及君成一龍

王舍人先吉韓一龍季廉日昌任上

海辰旦與予同學于先教諭門下

舍人季廉久通籍君亦為令開吳

淞予以龍尾不得意索食兩入泖浦中會當天子

召文學郡吏已仕皆令從通經應詔孔子夏長史被

徵黃次公炎風暑雨一就道逡巡獻賦明光宮爾時

賜宴接袵袂猶記拜箸分脆膿何意詞業入祕閣既

取復落神物工遂令李邵生感激抗書欲上不得通

春明碧柳盡拋絮太液露荷將放紅微車南返各祖

帳使我泪滴樽盤空制科自古雖縝重歷代沿廢難

盡同之官魏相自能達留京鄭昉當安庸不親選之

試宏博三試三却無報容獨憐予友各散處任止輓

輓如轉蓬予復遲暮滯京邑南望獨立心忡忡吳淞

潮上海雲起君應報最入奏功明年舍人儻就判為

君佇望雙飛鴻

夏杪集宋大司馬宅觀諸名伎偕同館諸子

卽席

長安六月手獵鼪西堂午琢銀牀冰花梢捲出雲棚

傲桃竹鋪來夏簟清尙書朝罷理杯筯彷彿當年飲

河朔護索彈將塞上聲參差吹遍江南樂金槽札札
銅椀鳴五絃三調傳新聲茂師曹保賀懷智供奉
御前皆有名雕闌雜坐列彝鼎佳客滿城紛名請門
下通居白玉堂後來總住紅蘭省卸衣還脫袖中麻
據席不窺甄上影石枰玉局闢樂方挫糟激酪呵涼
漿釣魚作鱸供仙史龍餅加蔥有侍郎肴蔬錯列擬
公讌對榻抽毫弄文翰鄴下方看楨粲來梁園未許
賓朋散葵根度日暑漸收登臺月上金波流平沙水
落玉河堰雲起夜封宣武樓華燈影裏叩鵝管遙望
西山正驅蜿倚檻平垂十帳斜開軒坐對譙門晚自
頓使涼風生葛衣

上高陽相公詩

有序

隣臣朔長苦飢短轅輾轉如鷄栖何期暫與蓬池會
頓使涼風生葛衣
予以康熙戊午應召入都蒙高陽相公日揀予
舊文繙閱由繹獎引過當感而爲之詩

國家安攘三十載台階藉藉稱高陽兩朝首輔越廿
襁青瞳綠髮齒未央差我當軸領政事海內于今號
長治但向詞頭判綵毫不須敕尾添花字年來晨夕
苦電勉日上黃扉駐小輦食案朝垂簾宿寒火城夜
照沙堤煖祇緣親近贊密勿每佐皇威遏回適當

機不使殿外知祕旨長教閣中出卽今江漢將洗兵
王師撻伐還連營已平昭義盧從史須討荆南劉漢
宏以茲克詰頌廟算光復中原甫安奠借箸重爲
策治安求衣白合分宵旰恭逢聖主方好文將尋
干羽銷兵氛詔書五色自天下徵車四集如雲屯
東堂發策未親試預聆諸儒使談議晁錯難傳誓誥
文買臣未解春秋義相公明哲本神授矧向天人早
窮究嘗通墳典作蟲書豈止山經辨蟲獸碩斯末學
類蠛蠓肯爲申韓較優劣不道元臣總萬幾翻從下
士求三誓嗟予出處兩未全懷文獻賦悲徒然樊川

空挾阿房賦崔顥徒多輕薄篇其如河海詖蕩蕩能
問春流細無恙裴令優容不可名謝公齒頰真難量
紛紜開府未引逸猶自燃藜照緹裘書因都護割蘭
筋賦使相如解盧橘固知名教自有主致治何須誦
論語功德方看過富韓文章早已歸燕許煌煌景運
啟未遲要令相業傳康熙明年收復湖湘路願上元
和聖德詩

飲次書梁陶侶世兄便面

陶侶爲司農夫子從子猪市卽夫子

幽蘭在谷芝在田謝家子弟多名賢朝陽門外騎馬

十一
四
去爲汝一停猪市問紅顏綠髮將佩組腰下羅囊不
曾賭術確書名擅北堂野王畫法跨東府麒麟河上
流水新酒家舊賣中山春幾時同返恒陽路重醉金
門飢死人

西臺先生行奉送臨海馮少司寇葬親請假
歸里

西臺先生似威鳳早上金堂拂雲棟閱高于桐柏
山房櫳蓋在桃花洞當時司法蒞永昌博南開後通
瀾滄九龍不擾銀生地五聽長臨金齒傍自言家世
嬪駿烈兩見高堂乘奇節劉毅冬御祖毋芽傷憑少

吮慈親血陳情久已痛烏烏爾運萬里潘生與東征
賦就白蠻樹南郡辭將青海魚中丞入告賜表揭章
安城邊監雙闕五花錫命珈帔殊剛在裴家建坊
節無何移守石鼓城阿儂盜弄潢地兵歸朝欲表鄭
虔志道梗頓違徐庶情踉蹌回任遵母疾路賸天遙
哭相失誰能辛苦賊中來鑒此孤忠晉華秩都官力
贊廟算行樓船潢浦儀昆明三巴六詔喜盡滅孤
觀一舟悲未迎因之解組耳聞闕
天子隆恩降優答嶠然忠孝其能全况復妻孥此時
合秋花初發純玉街離亭欲別還啣杯故鄉墳墓望

何許令我惻惻徒傷懷。大江東下數歸驛。天姥嘆峨
下窀穸。竈戶封來繡閣雲。壇碑啄出寒山石。偉元虛
墓歲月閒。謝公舊墅難追攀。何年丹穴歸棲羽。仍向
瑤臺縱翮還。

徐母邵夫人壽詩

徐繼恩之配
汾之母也

往與徐汾父子友。比之阮藉交。二王夫人令妻併壽。
母既賢且哲。能文章。最憐老友入林去。遠向寒山憇。
雙樹許邁徒傳阿閣書。梁生不在臯橋住。我昔從行
恨未力廿載。相違苦相憶。今來堂上拜女師。尙見芳
樽照顏色。清秋明月出。每遊玉臺皎鏡光。離離若嫌

祝誦無佳句。自有庭前秀。穆詩

徐二將歸暫寄湖南周開府里第過別有贈

徐樂上書不得意。將乘欵段歸南山。黃金川盡敝裘
裂。何計得還烟水間。長安四月方苦熱。日飲冰漿類
沃雪。鹽車欲駕去任難。忽遇孫陽泪如泄。蒿蒲酒暖
梔子香。新裁越布單衫長。湘南節度如堪倚。且任城
西舊草堂。

題文待詔雪圖奉送高少司寇還般山

何年蒼筆寫題景。鹽花刻作山谷春。孤懷瀕洞當洗
淪。兩月豁達開風塵。伊誰蓄此作寶祕。般山先生得

真意圖壽恒留處士吟烟嵐不待官家賜當時出入
金馬廬蓬丘瀛海連江湖夢游已聽鈞天樂草詔還
呈紫府書集賢學士乞歸去家近兩山傍雲霧溪上
啣將陶泓杯園中種得於陵樹最憐良馬卸鞵鞞偏
借都官坐赤棘柳惠焉能作士師曾參未許諮刑倅
西臺高臥對白雲還家久已忘冬春始知羞行豸有
守誰謂侍郎難得人聖明下詔策災異執法承顏
舉遺棄成道先生風概殊能使頑廉懦立志先生應
召披敝裘寄居蕭寺翻經樓馬芻一束苦戀棧蠹紙
半牀兼覆甌修容靜與巖壑曠論史決若江河流思

以祗德代請讞勝彼木鐸警庶郵長官當白不當

豈向斯世爭沈浮清秋遙夜雨初歇正遇棠村授師

說時司農夫下直沿街燈火紅高軒到座星辰豁條

然相對澹欲忘後譚莊列前羲皇宛如鄭蔡負驢背

宵行風雪潮漉傍不然湏上借書去冒雪一詣張君

房纖埃不起林落淨奚啻澆水滌繒囊斯時祇恐絆

鞅轡霜深露滑增徬徨何期聖明轉浩蕩特許還

山遂微尚白雲出岫本無心黃鵠摩天總難量長洲

待詔筆法精雪圖千載光芒生寒冬把此欲歸去瑤

天粉地千山明山前有人騎馬行

大雪陪益都夫子游善果寺歸燈下同夫子

和陳檢討詩一人呼韻一人給寫信口占

狀後舍人亦有和詩紀其事

天將大雪早作霰譬如拆木先拆芽須臾地落若柳

絮細細翦出天工施既非車下撲塵土復異柁底揚

風沙祇覺雙林萬枝亞一望簇簇若枿枿是日本欲

誌初地後車將發興有加寺門石幢掛秋草俟我白

首雙垂鬚毳羽漫空不遮墮瓊瑤在地豈敢挈驟臻

方丈恍突室一燈黯黯圍舊紗堂中鐘鼓響還寂令

我冥會成無遮伊蒲作供飯未能午鴉啼過啼晚鴉

重登高閣遠眺望共驚銀海翻龍蛇雁王一塔藏貝

葉獅子雙脊馱僧伽彼此相峙總難辨就中密織如

亂麻况當說法散花雨豈有傷米能膠牙浴堂煎作

功德水銅盤灑瀲傾流霞淙淙蠟盞發細響不數隔

水彈箏琶卽此享受亦已過世間何用矜豪奢揮灑

既畢重就坐寺僧復進龍乳茶南泉既遠趙州去不

須齒舌相勾爬歸來暝色暗前路出門惘惘同天涯

誰知夜半燭牕發依然落筆風雨斜

胡朏明曰益都落筆原如湧泉茲有意作擊鉢刻

燭諸豪舉而西河追之不先後一字至鴉蛇二韻

七言古詩

後夫子大聲稱賞自遜莫及次日
王舍人亦有和韻餘見西河詩話

寄贈淮安王君七十并示令子文學

少年曾作淮陰游。伍胥廟傍尋酒樓。此時酣飲鮮雜
客座上。往往來王猷。繁花當牕午。雲熱醉餘隔院聽。
楚謳因之登堂拜。獻老有若健柏凌。高丘迄今廿載
憶朋舊。夢回月出清淮流。但聞市少已漸散。縱有亦
復非黑頭。昨來徵車稅城下。欲入不得爛兩眸。猶幸
同館盡相識。淮市三子居最優。其中李生與王氏。謂李
鑑也實為羊鄧深。綢繆况當獻老年。七十秩閣將復
傾。庶羞彥方高志。但居里逸少愛閒。長汎舟那能侍

杖效憲乞一觴。捧出丹霞浮長安。兩歇鴻雁發。寒
水落芙蓉。秋千年碧藕。欲攬寄凍滌。三挫成一甌。人
生得歲資。適意為我寄語。且縮筍不信。但看服綵者
在家亦已扶。鳴鳩時令子亦
五十初度

此日行寄祝益都夫子八十

當年召試入帝京。中書門下曾投名。益都夫子典詞
業。手把繩斗彈墨。絳並言朝右方。倚芘眷此黃髮。
為民正其時。正值授杖歲將進。三列作五更。盈庭憲
乞予敢後。因之扶服獻鼎銅。無如東望起歸興。一日
三疏乞解鞵。天子特詔宴禁籞。中使扶侍周遭行。

題籤書絹并篆石宸賜優渥如雨傾遣官持節送
還里長安車馬填郊坰不期此事已十載予亦南
三擄秭曾因請急過通德佳山冷水風光并佳山堂
治湖皆
益都凌晨啜茗聽笙瑟傍晚晚種竹暈雨晴出郭相訪
誰氏叟將車剛及予門生曾幾何時忽彈指賜杖復
得中壽稱三公雄健過伯始九老繪畫比武城生人
聚散有定數矧予進暮非壯齡再拜不得親獻杓一
心終自同播旌東方花木及春發南狩鑿馭將時
乘醲醑滿甕漫斟酌烟霞萬里須丁寧非熊八十儻
還載此日正逢渭水清

寄祝姚少保六十初度

大鵬搏扶越九萬林間斤鷄猶決槍丈夫致身亦有
會安能刺促枌榆傍當予少小擅文賦卽開上國壇
沾張衣冠輻輳徒輦集鐘鏞在序鼓在房警則齊晉
大九合下士受約如江黃中間較文試帖括猶然領
解在帝鄉一朝烽火遍南服夜起趨躍加騰驤傾裝
質鐵募死士叩馬一謁沛獻王左手草檄右殺賊遂
平甌越恢閩疆習書請兵張仲武麾扇克敵謝彥章
天子嘉嘆遮錫命驟令開府建羽幢破蜀竇軌授神
策平吳杜預封當陽論功不下大將列銘德乃過元

身行至今。溟海凜威。惠環瀛萬里。無波揚予。忝梓里。
就史職。橐筆往往。書旗常况。當弧矢。望綵旆。道遠亦。
欲進一觴。幸頌金匱。誓秦礪。將標銅柱。凌扶桑。臨風。
何以致稱祝。神山截。窠海水長。

烏栖篇為晉江范貞姑作

青陵臺畔。清霜飛秦家。桂樹烏獨栖。餐茶茹藥三十。
載石闕久。啣悲復悲。春花秋月。宛然在辛苦。携雛羽。
毛瘁撒。饌長依。庾約兒寒。乃共坐張玄妹。姑依兄鄭
故慈烏反哺。尾畢。蓮膝前有子。傳詩書。他時六翮翻。
云去始信人間有鳳雛。

題董都護記年圖兼送其軍鎮萬州

江都弄環日。能賦梔子詩。庭下五色雀。相視非常兒。
移時學字。擅八體。鵲反鸞。驚弁鷹。時偶寫。烟巒點拂。
奇畫地步。天餘技耳。因挽楊葉射。枝戟遂入天階。
獻高策。發騎分垂都尉符。驚文白草。參軍檄。從容渡。
海征。斛羅虛。循遠徙。藏流波。明廷加節授。督護開府。
正當儋耳河。賜衣不着。但綏帶徐步。蒼林石塘外。
野人相遇。誰得知。試看當年好圖畫。書生意氣本自。
奇。虎頭豈是尋常姿。留形丘壑。無不可為龍。還復為。
蛟。螭青門設祖。請祓幘。一展斯圖。壯容色。他日功成。

倘鑄金碧帶青帟尚能識

送梅庚赴江南用使君幕和其留別原韻同

陸大印席

昔年曾作蘆中人蓬萊幾度看揚塵但逢東海孫賓
石不遇南昌梅子真長安忽遣載文軸把筆如櫺幘
如星入座皆嫌倒屣遲當筵但道揮毫速年來好酒
惡水添醉歸敲醒街頭砧蘭成自有閒園賦李勉原
無戀關心同時大陸本舊識謂陸水曲巷茹蘆日相
卽久知豪客自情親堪笑世人皆耳食才大驚疑總
在胸官貧薦引全無力金臺名駿服輓多宮中誰肯

憐姪娥誰知幕下得賢主頓如尺水生微波時水修

見幕下句驚日何以合波雙橋相對草堂近澄江一

字及得此句遂擿筆嘆絕望逃林柯高旌前導壽熊虎屬車後載環馬驟南行

有客辨車鐸相逢莫使然疑作發則應過玉笥山聽

鐘猶在昇元閣只愁良友去薊門每上河橋輒作惡

陸生預道蕭山毛臨行一曲唱且高不虞漏盡鷄三

號珊瑚鞭欲揮心轉勞金繩墮地玉壺罄願君還聽歌

聲豪

陳明府遇之遇于長安街飲次索贈

朔風吹爽塵不飛道傍車馬如鷄栖天安門外柳條

短回首一逢薜荔衣清姿濯濯負意氣我友陳生好
難弟挾管長從鳳闕游揮金不計颺頭利行年剛及
強仕辰將紆墨綬拖黃銀陳遵自昔能驚座孺子由
來不厭貧獨言賦性愛山澤每向蘭亭探遺蹟太守
祠邊醜酒紅柳姑廟後翻魚白今來偶寄碣石宮有
人獨坐還書空何時解組賦歸去與君把臂深林中
長安邂逅值冬節幸對旗亭酒初冽腰下雙鉤解照
人且看春明杏花發

送林使君督學河南

東家拾明月傳視不能識青黃蔽前林誰能辨容色

晉安才子林使君文章翕霽如蒸雲與予同館者曹
子偕過泰山爲王文聖人大悅加獎譽旋使中原
視學去劍氣長飛龍子灘鹽車早辨羊腸路春風二
月柳滿街御河流水當行杯南行已及清明後少室
山前花正開

陸生赴蘓州幕

陸雉名在沈謝間垂老被召來燕關龐嚴李益不敢
薦三年將返支硎山蘓州使相甫開幕便展干旄導
情慙臨海還招鮑照歸渡江且逐陳琳去吳中故舊
多隱淪草堂仍築東湖濱浣花不厭主賓晚種菊愛

看鄉井春只愁曲巷鮮憑賦石鼓遺文倩誰識韓愈
曾言空馬羣一顧燕臺泪霑臆

送家太史假歸新安

長安朝暮送行地西有張掖東沙河每臨祖席發歸
思日歸不歸思若何憶昔徵車乍來赴本欲還山乞
歸去光宅先教宿李璠直言必欲留裴素吾宗就試
得數人林間二阮以同倫雲陽舊令舉復罷謂祥符
也叔氏妙才人盡聞揆天徹地藻思闢嘗見揮毫趨
飛翮國子通傳虎觀文獻王親受京房易太史為
王授集賢載筆入丹地便遣方平撰前記制舉從來
經

待異材史書豈是尋常事嗟予落托百不成長沙舊
譜依泉明霜前銅獸當廳列日跨疲驢遂隊行如何
叔氏掉頭早鎮自陳情痛烏烏婺女瞻來觸嶂寒客
星歸傍桐江曉予于去住願總違豈難遮着青蘿衣
慙于史局未能了覺與世數終相歧秋林柿熟菊初
發此去蘆溝看新月詎指明年還院時仍在清商戒
寒節軟塵着雨衣未乾滄浪自昔推新安冠纓濯罷
如相望知在天邊風露間新安有天
邊風露樓
先生本是麟龍姿偶來提領宣聖祠鄉書早展冠國

十一
士阜比坐擁爲人師。翛然高舉蘊飛翮。羞向長安再
投策。魏世文章重子欽。漢儒學行推盧植。秋花開發
絳帳寒。閒堂撒牖襟懷寬。青毡不用理毳布。美饌長
揮首。藉盤生平月且重。開里冰鑑當胸似。清泚不教
魚日混明珠。誰抱寒桐對流水。蕪文好我如嗜癖。天
涯汗漫知音稀。願爲堂上鯢魚鳥。長傍秋花遯遯飛。

西河合集

蕭山毛奇齡

字春遲 稿 又春庄 何倬炎卓人 沈宗熹師尹 較

七言古詩二十

題松下芝瑩圖

謝庭畢畢產紫芝。北堂茂樹生華滋。長洲畫師解幽
意。畫師盧逸 長洲人翩翩寫傍青松絲。金冠玉鞵間朱帶。翠
羽紫翹橫碧枝。一種能釋壯士怨。九莖堪作商山思。
煌扈在庭集。衣履繽紛滿座饒。文辭要知石上松。鱗
長便識人間歲月遲。

暮春二十六日張弘軒刺史宅牡丹初開預

作催花小集歡讌竟日同馬廣文朱郡丞

周彖廉楊生絃索女較書玉烟陳婉

春風吹日上畫牆名花倚檻將生香張家舊種嬾洛

下丹州越州難比方蓓蕾初發一相見油壁重重捲

嬌面游子將為贈芍吟主人預啓催花宴瑯腮琢石

前後通青娥雜坐雙顏紅綺羅試着甫開袞臙粉薄

施如未融須臾雨至灑幃幙翠幃雲屏裝來薄小沐

愁看鬢攏分新粧悲激唇脂落高歌幾叠夜色移當

筵爭瀉黃金卮妖絲曼筦次第作傾城相顧猶舉眉

城頭吹角忽雨霽蠟燭膏毬置花裏赧面羞從泪洗

餘醉眠嬌倩人扶起嬌娜前後互相映中坐雙鬢與

觴政燈前恍園晚粧新閣下莫嫌春漏靜名花從此

當漸開主人邀客還重來雨餘不忍辭花去更向花

前醉一回

答和沈東園贈別作兼示王西園

我來游滬城便思梅花源梅花開時不得見行見蜀

葵開滿園西園王子為我說維此園東有人傑築塢

能留黃浦雲長陂每泛藍田雪良川高會如永和花

間載酒常經過到門私喜無題鳳落筆還驚好換鵝

十二
相思久欲贈瑤草。况與君家翰林好。錄別愁看夏雨
寒。何期晤對申江曉。木义庵前紅藕坡。圖來爲汝方
題詩。長帆初掛海潮上。握手反嫌相見遲。薰風拂拂
起前路。寄語西園道。歸去他日相思。倘卜隣當造梅
花最深處。

紅橋酒散別曹明府

東京名士曹叔通。讀書磊落稱文雄。十年相憶始相
見。載酒只看花樹紅。平泉莊南啓高閣。倚檻曾經度
黃鶴。石磴空垂四面蘿。荆欄新種千年藥。當時試宰
在睦州。青簾高掛冷江流。懷組入官本慷慨。角巾歸

第何優游。迄今相對理疇昔。每向嚴灘派溯洑。况我
長爲灘上人。解纜將行泪沾臆。榴花初發開錦筵。菜
人雜坐彈朱絃。欲知他日相思處。只在紅橋綠樹邊。
春夜飲趙舍人宅同諸公作

春城飛蓋度南陌。夜聽歌鐘啓華席。世族原推宣孟
家。滿堂尚坐平原客。烹椒和芍斫巨鱗。披襟共醉蘭
陵春。主人意氣拔雲漢。是誰雄辨翻河津。重門夜久
待擊懷。手把深杯莫教却。醉看當筵月上時。便見階
前放紅藥。

青雲辭奉呈益都相公書事

皇帝踐祚一十七詔遣求賢重經術廷臣內外交薦
揚惟恐蒐羅有遺失堂堂公府推益都秦階早建元
臣模星辰照地啓遙矚仁壽格天開令符闢門撤牖
進巖穴每遇縫衣肯折節一時名士歸杜淹無數高
文過張說嗟予訕處東海濱十年奔走忘冬春少爲
吳市吹篪客老作安丘賣餅人何期問里甫偃仰北
府南司遞相獎蒯徹伴推東郭生鍾君誤薦西亭長
秋風颭颭九月寒布衣草屨來長安挾書欲上苦局
促懷刺未投空往還緜湖短後走落拓時向天街問
寥廓掃去知爲松栢門壘中何處公孫閣先生大度

括九有日布弘幬被廣畝迎來川竇不下牀邛爲王
符倒屣久鳳味龍鬣不易攀置身疑在青雲端虛懷
祗覺渤海淺溫語頓令寒谷暄逡巡瞻拜嘆遐邇折
簡重邀酌青醕釜熟能傳鍾傳銘筵前許借蕭何筭
方圓濕燥左右排就中銅鼎加鹽梅佳魚總向天廚
出美酒多從賜膳來殷勤厚意轉相屬百福千祥慢
教祝啣澤深於濫激杯餘光焰向參差燭獨襟布被
甫覆踈日捲黃綿裹寒者庭前隙地僅馬旋翻爲儒
生贊高履只此闡惠非偶然授餐適館昭前賢杜陵
果慨萬間志姬旦豈徒三握傳况當天子念寒士

先料徵車給廩秭。時徵車到都者朝水部分將主。
父錢金門預受東方米。廷瑜度支議給廩米聖君賢相邁一時。嗟予後
至猶逢之謂予。瑣瑣倘不信請看今日青雲辭。

淮陰李貞女詩

春城狹巷種烏漆。秦氏樓頭閉朝日。碧葉垂絲斷未
連。紅襟小燕飛難匹。長淮嬌女年甫笄。當牕便詠共
姜詩。行廬拖帳早相失。單幌復衿誰與施。淮流活活
向東去。三十春風等閒度。若問城南陌上桑。但指山
前女貞樹。

瞿山壽松歌和施學士

生年不識慈仁松。曾觀三鬣圖畫中。今來習見轉感
縮。何如尋向雲門峰。宣州學士顧我說。柏視山人真
高節。能于指下作怪形。跛虎攀龍互吞嚙。祇須提鼻
誘其畫。墨瀋膠漿雜鵝炙。但吟小句綠牕間。便寫高
枝碧山下。時瞿山以詩營丘作畫不贈人空畫五葉長
等身豈如蘸筆換詩句。詠歌倍覺生精神。大荒樞格
有老幹一幹發。作千年春第恐地窄絹牀短。手捫脚
蹴非其真。學士索畫強自呻。我亦竊效東家舉。他年
築居儻與隣。連予寫入青溪濱。溪傍一松千萬鱗。

雪中集梅庄主人何使君邸第有贈

朔風習習海雁鳴。燕關千里同雲生。會稽太守本廉
吏。歸却一錢舊。有名蕭條獨上郡。國邸將挾新書獻
天子。隘巷雙輪駐若雲。當軒一榻清如水。相從對酒
并論文。門生故吏還紛紛。題詩不讓杜老句。妙筆欲
寫羊生翬珠繩。宛轉傍東壁。玉琯吹葭動寒色。何處
相看雪最多。禁城西去梅花白。

題喬侍讀侍直圖

天開閭闔賜首明。宮鴉初噪朝烟生。侍臣入直每問
夜路白。便催騎馬行。龍旗未辨槍壘色。雞樹但覺枝
柯清。至尊臨御恍日出。左右羅列當星燄。東華奏

啓六曹贖南下。立傍雙柱橫。終日橐筆他記事。有時
顧問還呼名。偶頒丹詔識機密。誰捧黃匣如橋衡。我
友少擅司馬賦。當時曾遇甘羅城。比之鷺鷥戴九羽。
飛集牖下相顧驚。嘗寄鸞閣掌書命。儼繫牛紉難升
騰。一朝召試得高等。遮膺著作承明庭。對策固知郤
詵善。賜璽獨言李絳能。東堂草制白麻淨。北向謨開
金版精。內坊封罌瀉綠水。便殿賞帶加紅鞋。胸襟開
來。山月豁而藥傳去。盤露傾每因進講入。藥宿幾度
課藝留。延英春風吹吹苑。花發宮門輪入隨。班迎良
工繪圖寫容色。觀者有若睹曙星。予忝同籍共筆札。

明將歸去呵尊羨臨行開卷一展觀令我感激雙淚
零丈夫生世貴特達安能縮結同寒蠅不見黃衣
斧。根。下。有。人。戴。縱。從。左。升。

題松岩撫琴圖

長松差峩幾千尺斜傍深林倚危石中有高人抱膝
吟雙顏尚駐桃花色當年任俠游兩河紛紛趙李相
經過劍光淬落若流水筆陣橫掃成陟陀東歸萬里
謝侯幕散盡千金復垂橐醉向金華驅石羊閒從海
上看雲鶴我來把臂滬水濱畫圖相對清心神感遇
不吟楚妃嘆知音要與鍾期親手揮綠綺卸巾幘何

物長康好筆力寫置松崑片石間相見何人不相識

題松鶴圖爲一間師壽

高松百尺臨溪邊上有松子垂千年團團紅日松頂
出照來萬里滄江烟翩韞林際舞一鶴遠駕長風度
寥廓飾翅常疑白雪消低頭乍恐丹砂落閒來自得
杳不飛不臨金闕隨瑤池幽崑松下起長嘯但見綠
陰生素衣

題燕市酒人圖歌

酒人曾向燕市過玉缸銀海長婆娑典來殺賊且摩
盾時去看雲還枕戈荆南十載等閒度肘後黃金棄

不顧但垂絳帳授生徒。羞向長門賣詞賦。生平曳裾
苦未能。酒徒散盡仍追陪。草堂並道盱眙好。與汝行
歌歸去來。將集歸來草堂于盱眙故云

留別張中憲錫懌有感

曲江先生負文望。氣攝江湖有餘量。好學長疏左氏
書。高才不讓河間相。當年厭處金馬門。泰山太守由
來尊。拂衣歸向春申浦。種樹營成裴令園。我游海上
漫投刺。把臂雄談快人事。戶外千迴過客車。懷中十
載相思字。方春初發桃李枝。蹋青挑菜時相攜。筵前
張子碧山榼。簾捲夏侯紅妓衣。鄴宮高宴具四美。雍

坐中間有史。姍長調笙笛。共箏篴。不問清明兼上巳。
聽殘鷓鴣日漸長。葛帙未試蒲葵香。西陵草暗欲歸
去。頻把玉盃看夕陽。平船將趁暮潮上。爲唱離歌轉
惆悵。綺席重開惜過情。布帆此去應無恙。謝公東壑
一望遙。何年相憶還相招。當前欲別思何似。不見垂
楊幾萬條。

甲寅九月廿七日同任青嵩張百修訪放莽

給庵兩和上復過楊雲士齋看菊漫賦

青嵩招我訪雲水。偕之同看東籬花。高低錯出似攢
錦。紅白間開如翦紗。白隣秋老嘆遲暮。每見秋花便

相顧佛頭樓子開最先。今來不數黃金錢。

何使君壽

天生申甫必有爲。世人咸望嵩高山。况兼賢哲多端。應蒼龍紫宿居人間。廬江夫子越州守。治郡能使一郡安。烏棲獸宿偃平野。魚符虎竹通巖關。九日開宴別父老。黃童白叟號且攀。礪石鑄文臥道左。負管擔囊留轍。鑿惟予投璧遭按劍。夫子爲我抽泥蟠。晏嬰不責越石傲。逢人薦引齒頰繁。去年長至值初度。飢驅吳會曾修翰。今來攝提又看指。登堂獻酒琥珀殷。生人有心能感激。鏤磨刻胃豈冥頑。若言仁者壽。何

算請看春畫方漫漫

過益都相公三世兒。躬璧賦贈

從來雲閣推世德。東京楊鄧西金張。况當賢相饒令嗣。八龍三虎雙鳳皇。就中林立並。傲傲能繼難兄佩。刀早縣浦從教白。璧殊盈箱不羨黃金好。但看簡抑似韋布。只與詩書共晨暮。門生故吏趨滿前。食脆乘堅恥相互。卽予落拓寓京邸。長過高齋被優齒。下士能尋商洛儒。殘編搜及開元禮。始知家學自有真。寒風相對怡心神。牕前草木陽和動。坐見花開滿地春。雲間張公孫伎席作

十二
清河主人好趨府。項蓋相逢道肺腑。顯氣能傳趙勝名。高門開向春申浦。暮春三月桃樹紅。單衫試着臨春風。樽前鼎食饌無鳳。巷邊車馬如游龍。東西捲幔覆花葉。日上牕紗撲蝴蝶。名士同披白帽巾。美人競薦烏絲屨。蘭膏桦燭入夜陳。當筵舞作尋橦新。畫裙繡帶盤旋處。滿地花陰思煞人。

馮守同四十索贈

敬亭初發棗花碧。陵陽自煮丹砂紅。持之欲獻者誰子。宣城高士馮守同。行年四十負意氣。嘗與千將較銛利。相逢茂苑最有情。當塗鬱鬱青雲生。

入春庭梅未開。偶爲桐城姚士重孝廉作畫。

梅蒙以畫梅長歌見贈。中憶西園看梅事。率筆賦答。

朔風冽冽冰皚皚。雪花倒地捲作堆。入春一月雪未霽。庭前未有梅花開。樅陽才子客湘水。最愛毛氍畫花卉。紙上從教見早梅。枝頭故復添新蕾。停毫宛轉思美人。一枝恍寄江南春。誰知相顧起感慨。翹首放歌如有神。江南千里遊春月。閣下梅花正當發。獨立方傳葦相詩。同游爭結王生襪。君家世胄不可當。一門羣從趨諸王。春風吹度鳴呵里。芳草生當朱雀航。

東觀禹穴渡江泚官閣相驕偶然耳但藉荒厨對步

兵時寓其叔氏何須古驛逢梅使春空一望生羽翰

君將獻賦游長安薊門亦有梅如雪願把斯圖雪後

看

祝來叔荀王夫人夫婦六十偕壽

少與叔荀共文酒市樓大道彈陽春今來漸覺毛髮

改看君玉杖扶鄉人山花發秋正曉最喜閨中得

偕老開徑方逢年仲來齊眉轉覺鴻妻好錦筵雙進

金屈卮後來年少推烏衣採薇斷木總閒事但見滿

庭開紫芝

送同年陸義山編修歸當湖

春風吹簾草色青蓬池日暖猶寒冰陸郎斑駁想南

去開軒為倒雙玉餅連年同館少適意時向西山望

朝氣筆妙爭題海嶽圖史成快補河渠志時補草河渠志完始

行當湖新水碧似烟君歸正值荷花鮮慚予日前張

鷹賦羨汝先登賀監船平帆載去雙黛綠并折靈泉

產名玉義山艱于得子二百年行樂能幾時萬事于

今已差足潞河春漲下溜遲高飛黃鵠還啣雌玉堂

後夜如相憶但記雙添半臂時

林官歌喜趙侍衛弟還里

趙郎束髮上計車。圯橋親受張良書。殿頭對策首
稱。旨特令交戟。環周廬。林官赫赫近天仗。外府
飛。遠相向。竿。祐。方。班。七。萃。中。劉。洪。已。冠。千。牛。上。宮。門。
入。佩。大。橫。刀。鑿。宿。園。邊。有。賜。貉。領。護。早。攀。丹。禁。柳。思。
親。還。渡。浙。江。潮。鳴。珂。舊。里。宴。嘉。客。堂。上。朱。衣。未。頭。白。
騶。馬。仍。來。踟。鞠。遊。緋。袍。看。作。斑。爛。色。連。江。烽火。動。甌。
蠻。時。見。戈。船。瀨。上。還。莫。道。書。生。使。東。越。便。教。射。虎。向。
南。山。
越州太守賢且明。分銅領竹稱專城。門排五馬總神

駿江浸一錢清。復清高懷皎皎似裂帛。手把殘編對
賓客。印篋虛涵海。日紅書床斜映山。花碧江東八邑
留畫圖。過江誰不知夷吾。上林久已翔丹鳳。大府方
應見白鳥。卽今荆楚播撻伐。尙有萑苻想竊發。但藉
顏裴撫凍飢。不須嚴助平甌越。龍門教授感所私。恩
同掩骼兼埋髑。誰言黃雀郟花日。只在雙熊畫戟時。
過張吳曼草堂兼讀其所著梅花詩集有贈
先生好學恥漁獵。不向枯毫鬪結捷。作賦真能嗣兩
京。記書何啻亾三篋。梅花開落江水濱。聯詩宛與花
相親。我來讀詩憶花好。疎影暗香如有神。草堂斜啓

延海曙云是先生著書處萬軸緗幀幾樹梅慷慨留
題不能去

客吳門喜遇金副使巡驛感贈
春風吹花度湖水畫船撾鼓橫半塘江南副史早行
部正當乘傳來吳開西河遊人武丘客醉後重尋鄭
莊驛都尉新從龍里還梁生適在臯橋側當年大雪
辭蔡州使君雙旆移文樓邗江釣艇不能上隋苑柳
枝空自抽春鶯朝啼暮還徙又見開衙白門裏此地
相逢非偶然一望烟波泪如水

輓司上齊士虎

營丘兄弟皆負奇兩龍並起無雄雌僧彌旣歿法護
在與之相對長歔歔高天熒熒日晶晶恍見當年好
容貌氣盛時傾稷下談興來每向蘓門嘯讀書萬卷
絕簡編夾機俄頃如流泉許之管樂已不媿肯與稽
阮相因緣無如遭逢嘆不偶幾度高齋種楊柳市門
挾瑟且哀歌墟下攜錢快飲酒修文有召不得違著
書未就將從誰但惜周嵩尙有母那知伯道竟無兒
先生之季與予善每話難兄泪披面若過山陽歌此
詞落日寒冰倘相見

讀何使君夫子渡曹娥江哭父卷子書後

南昌亭邊日色黃。伯倫臺畔環枯桑。哲人乘風歸昊
闔。上爲列宿揚星芒。遠溯家世本汜鄉。廬江之後來
山陽。先生早歲秉令望。名同第五饒文章。當時四友
稱荀羊。于今遺策隸太常。太丘有嗣誇二方。長者早
駕天。閑驥南驅閩嶠東。越疆已經獎異稱。循良將迎
鳩杖脚。霞觴忽然日蝕東。壁傍越人問之心。感傷有
如秦相五殺亾。童子出涕春不相。方行四制挽轡纒
山公。起復義不妨。使君哭之心轉傷。試看東渡曹盱
江。長歌一字一斷腸。從來虞殯能導喪。哀吟不復調
宮商。我今欲和徒徬徨。歌聲欲絕哀未忘。

烏菟歌爲雙壽作

金烏熠熠顧菟驕。東公丹棗西王桃。當筵進獻祝餘
背不用鼓琴歌。綠腰蟠根仙李舊。閨闈曾擅文章跨
東浙。爲訪林泉憶素游。因思高蹈追前轍。閨中偕老
同古稀。賓朋扶杖相攜持。庭前兒竹當風長。階下孫
枝帶雨肥。雙飛黃鵠舞秋節。正值重陽酒盈盞。欲識
朱顏對面紅。且把黃花滿頭插。

雙壽詩

君不見扶桑日出海。月明東西相望相。隨行中山有
烏自。啣羽每偕顧菟幽。崑生弘農丈人乘高蹈。籬籬

魚竿有同釣龍里由來重朗陵鹿車自昔推桓少東
湖花發水滿堤湖邊日日生光輝種將綠竹能棲鳳
採得青荷好製衣只今初度共皇覽錦悅還同繡弧
展書借簾鬢鼻篆雲花從酒面生螺盃清秋良日佳
氣新門前流水如車輪笑他瑤島偷桃客卽是金門
索米人

爲沈表兄題夫婦行樂園

吳興丈人年古稀齊眉尙存衣巾綦東公西妣共行
樂一時爭看雙鸞棲丈人胸懷坦如矢上女黃農作
知已初住東江花港中移在西湖藕塘裏沿湖十里
種夏蓮紅蓮倒影清波間閨中壽八非無意好北湖
波作鏡看

李太夫人大壽

昔者魯國上母壽宋宗坐賜朝堂中武昌太君就饗
列丞相下拜王茂弘惟我夫子職副相誓筮稼計留
司農高堂碧髮久迎養 誥進五色祿萬鐘園冬大
臘獻花餽錦悅當筵覆琬琰蝶勝先春集絳幡獸鑪
着地圍紅毯登堂齊捧金屈卮門生故吏盈前墀添
籌不用蕭何箸舞綵還披羊續衣獨憐庭下秀玉樹
年少曾經入鼇署繞膝時從東觀還懷鄉正值江南

去江南萬里風物清。王師况復收昆明。西來紫貝
雙函發南望。彤雲百疊生春陽。將至日。噉噉綠茵
邨。翹拂青鳥但看天邊下。玉書便起堦前拾瑤草。

西河合集

蕭山毛奇齡

字僧彌 又僧開稿

凌紹順繼滄 邵匡時秉中較

七言古詩

三十

飲金十四煨園看草花同姜九延幹呂四洪

烈羅大坤吳大棠禎張二錕卽事

櫻桃初熟梅子酸草花爛熳開東園叢叢日下好顏

色青黃紫白藍綠丹燔魚盈盤酒盈尊履舄紛紛集

前榭龍淵何會在洛陽僻疆不復稱吳下當筵插得

花數枝短簫橫笛吹參池最憐乖老看花客醉倒花

前花不知

奉謝分巡許元功使君夫子薦舉抒意

康熙建午之一月朝廷下詔求俊良華門蓬舉有
佳士不惜中外交推揚大臣御史中執法爭捧微
書覆黃牒江東節度文教優璧馬干旌日三接慇勤
但問章句儒兼諮著作通群書上鋪八聖德下華國
束帛誤投窟巷居蚤蚤翹傍根柵只羨鴻飛度遙
海磐石難將白璧求鴛胎不用黃金買使君獎士多
過情品題一過增聲名滕公按劍知韓信文舉封章
薦禰衡輅車旁午詣縣舍再拜徬徨謝車下至父無

錢那入關王良多病難隨駕結髮受書通一經妄思
載酒窺書城手儻三豕久不定胸貯五龜全未能弱
歲出門覓衣食老大還爲道傍客吹篪半世罕見聞
解鉢三彈有誰識方今

聖主真好文東觀學士如雲屯朱鷺作歌奏司馬白
麟有對來終軍以茲荒謬廁其後母乃強合樵與薰
郡國限年恐致詰安平進賞將焉存生平忼愾感知
已挺刃願報國士恩祇求厚地掩薄劣莫使庸材負
賢哲不然姓豈石隱人何必躬耕待三節菖蒲花發
伏枕餘病中猶改金銀車倘能鑒此陳情疏豈敢還

呈却聘書

別馬廣文作

龍門百尺中天啓。迴視天孫碧雲裏。藻影翻成北海魚。桃花瀉作申江水。傳經自昔推馬融。果然絳帳來扶風。當年賦笛已擅絕。只今秉鐸猶稱雄。春風吹花。逸書屋。長啓清罇。倒醺醪。香飯晨炊。苜蓿寒菘。羨夜汎芹絲。綠檐榴初發。紅滿枝。歸舟欲渡。千回思龍門。多少溯從意。半在鱣堂對酒時。

桐城姚孝廉文焱見贈感賦

皖江才子系有虞。十年獻賦升公車。虛懷早授京費。

易使筆欲著梁陳。書名高四海。久推重到處人爭識。

麟鳳袁氏通侯。半在門王家。雋士皆羣從。秋風吹滌

江水清。畫船遠渡來西陵。但知花縣看常棣。時訪其弟明府

蕭山那道橫江採杜蘅。新詩璀璨似珠玉。不惜開題寄

蘿屋。車下還招季布魂。酒酣重擊高離筑。鄉人刺促

去住難。蹙將短景投吳關。高軒在望欲御晚。翹首半

天珠斗寒。

介丘吟爲姚明府作

生平不敢入燕薊。金臺空復求乘黃。潛登太行苦服。輓道傍何處逢孫陽。從來美好善謠詠。啼駛一聲隳

十三
衆芳誰知負局有弘量。鎔成冰鑑如秋霜。攜之日月
且增耀。照見瓦垆皆有光。皖口舊家聯譽望。吳興才
子多文章。漢儒初試考功法。唐相自饒應變方。壠草
春耕勸田叟。隣烽夜靜降虜王。試淬干將欲鳴匣。爰
收竹箭方在房。世人誰可與。併伍惟此乃得當。門牆
清秋銀漢甫。灑湫新蒲獵獵生。野塘乳燕學飛爭。去
壘枯螢垂死猶。棲囊泰山巖嶮倚。天半梁父介丘羅
四傍。結根萬仞得所託。浩然一顧天風長。

湖西將軍歌

秀江橋下春水生。綠橋幾曲春花明。燕山大將開幕

府千里不聞枹鼓驚。當年挾策上金殿。幸奪翹關
走飛電。伏下看披鵬錦衣。宮門却賜花菰箭。十年
宛馬塞上騎。親隨部曲漁陽兒。桑乾風雪控弦去。猶
聽阿鞞當橫吹。龍驤南下定三蜀。遂駕樓船遣楊僕。
湖東旣鎮後。湖西每見投壺理。軍曲從來名將不嫌
老。美汝當年立功早。躍馬雖稱嬰鑠難。擒生終逐嫖
姚好。揮戈橫槊二十年。生纔四十春風前。桃花叱撥
紅照眼。擁麾江畔疑神仙。宜春臺高秀江綠。時共登
臨看黃鵠。記得前年江上亭。共點醪酥倒醞醪。是時
春雨細如注。幸與將軍倚庭樹。落絮游絲濕馬蹄。正

十三
四
在袁江最深處袁江草長花復開清江水漲空徘徊
思君重憶亭前飲那得紅船載酒來

戊申三月旅亭夜讀東原宗元鼎所著新柳
堂集中有三詩專賦予瀨中事觸境生感
因爲長句寄去隨筆無敘

憶昔行瀨中曾經射陽渡欲託東原宗鼎家風雨江

關暗前路從茲奔走二十年每過隋苑心茫然名山

不厭少文病破浪只思元幹賢前年白下過難弟謂鶴

問因宿街西瓦棺寺龍躍雙垂海內名雁行單作天

邊字思君但讀君著書因之遙識東原居芙蓉一畝

共兩畝楊柳千株復萬株深堂楊柳想佳句初日芙

蓉豈虛譽如何念及瀨中人不道瀨中從此去當時

鼓筦渡水鄉蘆中無復傾壺漿孔融兄弟遠難覓道

傍獨立空徬徨潛行宛轉過江右記得湖東鄧老秀

擊絮偏逢水漲時裝衣正值花開候逡巡流落淮汝

間酒徒死盡誰能傳感君記事最忼慨使我泪流如

漏泉春深三月返江沚垂柳紅橋夜低起爲讀東原

詩一編三乞隣燈酒家裏

陳掌院夫子生日作

在昔郡國應制舉集賢學士居殿傍已徵詞業進

祕閣尚未程試留東堂執經曾向馬帳度遙見天邊
 白雲暮龍沼桐扶和嶠還鼇峰上負山濤去只今三
 載彈素琴紫芝產地烏棲林立朝久動荃宰戀移孝
 遠邀宸眷深芸臺重掌入親近詔遣黃門賜存
 問玉案親書第一班金華坐進登三論當年兩省薦
 拔人今來倖步清都塵分將黃紙當廳展擷得紅蘭
 滿座春老成端作後來式守正時時見容色進賢必
 欲辨驪黃斥偽何曾雜儒墨文章能起明宋衰昌黎
 之後無雄才講筵高出陶虞上草制全從典誥來園
 冬暢月設弧矢正值王師渡滇洱六詔軍書奏

玉除三雍文教開金齒大臣嘉績動簡編泰符高映
 蓬池邊第看天紀回星斗安用崧高誦歲年

南山篇奉祝平太翁年伯七十初度 載問次
山尊人

也

君不見南山之高高入雲上連閭闔開天門仙人環
 珮紛錯落日月光景相網緼阿翁七十好容貌欲與
 南山等峭峭名法能傳華慶成高懷不數岑公孝牆
 東寄跡追少微行游嘗着青荷衣風生南塢椒蘭發
 日出東園烏鵲飛卽今初度誦皇覽矢絙寒蓬射來
 遠神授方函啓綠文賓隨曲巷開朱轡華鐘綺席次

十三
第陳清秋八月真良辰邀來閣下彈箏女舞罷庭前
戲彩人庭前戲彩皆神駿千里聲名遠尤震馬氏由
來重五常江東自昔推三俊南山峨嶽高復高稱觴
進履多賢豪欲知絲紱垂麟角但看趨庭有鳳毛

李方伯生日

黃星爛爛臨江陽漸東漸西瞻景光鳴葭疊鼓樹六
幢云誰開幕今藩方三韓家世遼海長從龍舊澤傳
芬芳蟠根仙李枝葉揚惟公茲仕肇龔黃分司偉伐
留西江晉階總憲肅紀綱三河萬里百辟良群推觀
察非尋常嘉名特達書 御旁 帝將簡之補衮裳

惟此吳越稱巖疆東南克詰捷伐張非公不足領上
襄只今羽檄猶旁皇軍需自給廣武糧伊昔蕭相當
漢昌關中餽餽連戎行中原開府杜與牟嘗恢宛洛
屯江湘矧茲甌越空陸梁不煩朝食揮櫓槍自慚垂
老依梓桑猥蒙薦達登 帝闕車箱盈轡馬曳繯持
觴不前應見諒高天尚見青鳥翔願隨青鳥同相狎
一聞上人講鶴索題
自笑生來有仙骨年年相對鶯鶯棲談經拂塵擁高
座儼若仙驥橫天梯竹林鸚鵡靜無語寶塔雁王他
白飛不隨丁令較去返豈與支遁相因依閒堂落筆

起長嘯。此間亦有幾霄姿。

金學使曾陷賊中歸命途次感寄

浙河東下海濤坼。曾啓龍門浙河側。取士能如嘉祐年。論文不數元和日。機衡在望鮮軼才。諸生並得乘雲雷。醫師雜採及馬淳。孫陽一顧皆龍馭。誰知世事多反覆。倏見烽烟起南服。楊僕方隨下瀨軍。趙佗幾篡番禺牧。王威赫濯恢七閩。杜陵陷賊埋風塵。青天見日撥雲霧。今來重會三江水。春文昌耀動銀漢。長夜漫漫有時旦。百里相過不得前。遙望雙旌汨如霰。

暮潮行別朱公子簪原

春潮初漲曲江邊。游子乘來申浦船。水上桃花新帶雨。城頭柳色正含烟。主人邂逅忻相見。邀我南樓啓歡譙。黍酒傾餘綠玉盤。芹羹汎作黃金線。逡巡入夏歸去遲。宛如家室相因依。林鳩喚婦循檐下。海燕攜雛出幕飛。長帆欲掛轉鐵鹿。將向江頭別朱穆。幾行愁雨爲君傾。一曲離歌倩誰續。嗟君家世本畫輪。聯翩華閭傳來新。伊予何幸託杵臼。庶下定交如有神。吳淞東去極海澨。一望錢塘正瀾瀾。他日相思欲寄書。但看西陵暮潮起。

奉謝何使君夫子有感

從來治郡稱第一。廬江太宰何敬容。卽今於越踵良
牧。軒軒五馬如游龍。山前文簿啓來碧。花下印牀開
去紅。竹符初發罷征調。誰謂東山有群盜。傍邑先傳
諭。寇書明庭且下求。賢詔龍門高峙渺。百尺頓集平
原舊。時客自慚堦草漸飄零。羞向園桃比顏色。負芻
長自困泥塗。豈料終逢晏大夫。白壁儘教三獻去。黃
衣卽得一環無。當時乞食渡淮浦。無數淮流漑肺腑。
結襪交爲國士歡。長竿只道王孫苦。十年側促懷舊
心。使君千騎方駸駸。天涯壯士今還在。仰視滕公汨

滿襟

桂樹生玉芝歌爲姜定菴京兆作

君不見庭前桂樹發素秋。連蜷偃蹇枝相糾。蟾蜍原
向根底宿。鶯鶯儼從花下游。忽然華幹產芝實。玉筍
漸看膚裏出。三秀煌煌映列星。六英燦燦承朝日。豐
脣麗肉白雪姿。靈根翠羽生華滋。墜露空濛如雨散。
吐雲繚繞似烟絲。嗟君奕葉挺奇秀。謝氏當庭耀清
晝。夾道朱輪有嗣英。高堂白髮方長壽。當年左掖曾
草麻。甘泉前殿揚朱華。芝房一歌未絕響。函德九莖
還薦葩。今來子舍奉甘旨。蹙借商山斲仙餌。流膏沉

十三
九
灌成酒漿。瑞彩斑斕。作金紫。孤南一宿秋。更明下應。
瑤草相敷榮。不信但看桂樹上。團團唯有玉芝生。

崑山徐母顧夫人壽

青銅奇修鱗。不復生凡魚。丹山產鸞鷲。迴與祥鳥殊。
卽今東海擅華胄。有母賢名比仁壽。徐藻原傳內子。
文顧家。本是閨房秀。清洋江畔采綠蓮。春能濯繭秋。
鳴機教兒嘗。乘和熊志相士。仍吟弋雁詩。以此諸君。
奮皇路。各向長安獻詞賦。上苑爭傳花一枝。當軒種。
得珠三樹慈恩寺。裏曲江春兄弟。皆爲領宴人。散簪。
羹遺東閣早留甄。日愛北門新。今來錦峴懸高閣。畫。

齒重重加綠髮。但看數帙賜朝霞。儘使宮衣舞秋月。
君不見雍丘宋氏兒。臚名相讓選相追。娛親江夏遺。
綵服到今湖橘猶。合緋又不見閩中陳堯叟。兄弟三。
人兩殿首其一。曾爲知制臣。尚恐慈親杖橫手。倚嗟。
我母年六旬。居然邁宋兼。趨陳且隨吳。下稱觴客還。
慶庭前戲綵人。

贈襄平李廣寧司馬赴兗州

任城司馬襄平豪。腰懸鹿速金寶刀。英年妙筆擅文。
史。翛然意氣干雲霄。鳳毛燦燦成五色。遠向丹山起。
飛翮。望嶽重登社甫臺。題詩應在匡衡宅。淮流浩浩。

到海廻雙旌南下蒼雲開他時載酒行春處無數桃花傍澗來

相望篇送陸少叅督餉江南

從來執法推鯁直前有陸杲後日山相臣初避道路去內戚不上街樓看何者參政儼宗邸為使直指爭往還將施赤棒先白簡此事乃在順治間先皇駐蹕御南苑親名副相連臺班特令出衆宣口敕謂此不負柱後冠方州節鉞久未振請借高峻風人寰中朝豈是厭汲黯出刺乃欲重薛宣鼎湖龍去年又年此翁歸臥江楓寒今來循次游長安殿中

多。薦。識。兩。官。五。都。列。岳。未。為。薄。六。路。轉。餽。將。誰。媵。東。南。惟。恐。竭。民。力。天子乃遣專事權公整往足肅吏治清廉不用支官錢我今相送思贈鞭臨風如汎丹陽船長干醜酒興自遠西浦輸粟心長閒計臣應受鵲袍賜賓從但從牛首觀莫言是地少風憲曲巷舊有王僧虔太微南下四星澗相望儼若居臺端到官莫厭芻粟屢待君仍在螭坳邊

鍾機曰少叅舊著風采後以忒于左道致敗聞西河贈是詩時少叅讀至曲巷二語忽失色後彈之者王參也山陰張維隱為予言維隱以入少叅幕過西河別西河適作是詩見維隱遂着賓從一七言古詩

句後連屬相接即西河亦不自解詩載之可畏如此

王二光祿生日夜飲有作

先生矯矯秉大節弱歲論文在於越薄宦朝看海上雲層樓晚掛山頭月京門對酒連歲年醉來長向樓前眠愛閒不畜雙鬟婢上義能輕五庫錢只今內府待入直門下還留孟嘗客况有當前羣從賢王家子弟烏衣宅樓頭開宴值早春燭紅酒煖春盤新恍然禹廟看花後夜雨停舟鑑水濱

前江樓畔花樹明灌門有路通蓬瀛慶元使君曳黃

綬行部雨中來永興單車緩軸去呵維肯爲牆東紫朱鬣解珮慚無呂氏刀荒亭未設休源榻君家仕宦多似雲鳴珂舊里聲相問鳳毛已布庭前綵驥足還留海上軍清和四月值初度弧矢應懸郡庭樹一觴欲獻未能前但望金峨海傍路

題畫

君不見見丹山之穴千仞高上有朱鳳聲嗷嗷八方攬德久不下一朝奮翮求其曹朱光向日耀五采翠羽順風揚九苞低昂宛轉起雲表萬里相過向蓬島華池阿閣何處棲但見將雛舞來好春花滿岫露滿枝

啾啾百鳥爭群棲不分夏鳩并春鳧後羅孔雀前山
鷄簫韶不作至者鮮頴上金臺望中遠種得梧桐蔭
未成採來竹實香猶淺高堂展絹采色新就中威鳳
當麒麟誰將東游仙人宅寫作瑤臺天上春

題周斗垣先生採芝圖

商山漠漠環清溪溪邊輪囷產紫芝丹柯翠羽滿林
谷絕勝三秀生銅池丈人採之嗅逾馥飢可餐之比
梁肉獨坐幽岩白日長時見松陰下山麓洛中遺老
百歲餘春來曾釣磻溪魚煌煌華華山前錦盡是當
年綺里書

王生之雲中

白羊城邊白雪飛桑乾河上黃塵稀丈夫拔劍不得
意西入塞垣何所依當時相遇共文酒朝向蕭江折
新柳爲君送作錦官遊同上溪南一回首淹留劍外
春復秋更從嶺表尋羅浮木棉花發棧紅寺柳子盃
寬汎白漚今來燕市負意氣屢上金臺騁騏驎拊篋
誰憐樂毅來哀歌能使荆卿避貂衣短後纓綬胡重
逢擊筑隨屠酤層冰千仞方浩浩雁門千里跨飛狐
自言碣石館難再將逐蒙恬望榆塞射虎從教太守
驚椎牛尚有將軍在薊門歲暮雪未乾嗟予索米留

長安青門欲餞苦不得天街柳葉誰堪攀從來臘盡
會春曉况復高名播來早若過新興肯望鄉錦粉樓
前有春草
寄祝江南方伯生日
芙蓉初發清江澣曉看天星照平楚關內蕭何本近
臣徐州荀美將開府前時鵬奮湖水濱西陵相望多
烽塵但瞻武庫歸南省並道文昌近北辰今來甲子
喜新遷正值長庚轉秋宿方岳能吟史克詩在朝共
進申公壽秣陵九月佳氣新大功坊底羅嘉賓清樽
欲獻無由達思煞秦淮對酒人

送孫孝廉還里

去年八月桂子黃看君雕鶚爭翱翔今年秋節又三
五慷慨送君還故鄉君才卓犖世所羨曾在含元膺
名見司馬高文有賜金王褒出使嘗乘傳芙蓉十里
江岸長將歸且醉當墟傍滄江暫見蟄龍臥雲與霧
捲旋飛揚河橋衰柳不堪折月滿當頭白如雪他日
相逢杏苑中仍向花間看明月

汪錞選郎善事母值典試關中得壽萱二字
碑洞摩勒以歸時太夫人八十遂預製扁
額臨二字于堂以爲慶索爲此歌

潘居色養重鼎任况入東曹倍謹凜秩閣頻遺赤館
羨彩衣時覆仙郎錦驅車試士出渭橋秦碑漢篆關
中遙色絲未得諳雙纈綠字宛如邨九苞北堂日永
秋尚早滿砌丹萱正姣好石闕呈來古緇殊畫梁標
出旌簾曉蒼龍乍轉花滿欄銀幡未賜開春筵稱觴
長跪進壽考恩綸照映相鮮妍養堂不用啓京邸
紫帔金章錫來喜瑤島羣看詠白雲宛向中庭奉其
旨曾參見肉思養親從來孝感偏能申請觀額上丹
砂字好慰堂前白髮人

桐城方栲舟又申父子枉贈簡和

北風梢撼銀杏黃寺門雙樹塗嚴霜龍岷高客作寒
旅回首一看江路長當年地甲冠雲額門十朱輪戶
三戟舊業金張總墜貂君家兄弟真連璧十年獻賦
厭計車曾膺監郡占刑書天時人事忌太盛好女善
謠能嫉予浮雲曖曖水沈木孔雀割金不辭辱遠戍
嘗經紫塞還穹廬蹙就黃花宿今來訪舊游永興將
車季子方趨庭嚴城蕭寺苦寥廓有鶴帶雛梳羽翎
翔翔千仞下視小况當鳴和臨秋曉韋賢父子一經
傳徐氏詩篇六朝好謂予失職志不平天涯一見旋
留情同為斯世沉淪客那惜臨觴感慨生長歌贈我

十三
最。斐。媿。揮。毫。書。滿。元。典。紙。愁。心。百。折。和。來。難。把。卷。脚。
踟。不。能。已。

范母錢夫人挽歌詞

夫人家本錢王裔。閱崔嵬。紹蘭沚。紫燕長迴。朱雀
航丹輪。時度鳴珂里。聞中日出。臨繡牀。刺來黼黻多。
文章因吟柳絮過。庭下爲採葛。單歸道傍。錦屏初啓。
烏雀正值當垆覆紅藥。司馬譚公實我私。侍郎修
旨爲妣于歸。帝里舒綵面。尊章簽判來淮南。在堂
相繼赴幽室。苦捐珠鉏。金徽夫君文譽播禹甸。十
載登壇領羣彥。自脫牛衣。止計車每。叩鶴牘。升金殿。

慨然攬轡佐惠文。命留司法南康軍。日周外犴有紅
粟私頤在房。無綺裙。但問平反始。置酒况復平漕并。
履畝縮綬恒兼盱。水符分章遂佐新安守。驚湖鹿洞
講席開會同。論秀掄奇才。經傳韋母朱。帷下文似曹。
聆東觀來最憐。大澤釀遺蘖。道蘊抽刀白如雪。能令
降鹵偃前矛。那道歸藩擁高節。戈船北發經險灘。軍
輜下瀨浮來難。長年四顧督郵怒。先生掉臂歸林間。
蕭然一望復何有。餉儘如賓在隴畝。井畔新栽阿母
花。橋頭再種先生柳。趨庭繼起皆鳳毛。衣子第真
賢豪。陶門有教比鍾郝。伏女授經來賈晁。誰知一旦

馭雲路桂旄蘭旌遠相赴天上爭看製錦來閣中尚
記題詩處車前執弗鈴欲搖道傍虞殞還吹簫碧玉
樓中月皎皎白楊樹裏風蕭蕭螭蟠石闕類雜組窻
島玄埏似幽府我欲私題哀誄詞又值城南下寒雨
依韻答徐生我剛見贈長句兼送其客益州
生年徒擁漢官尺不度江天萬層碧但挾康成車後
書誰窺孺子門邊蕭君家奕葉擅雅騷館亭驛壁長
揮毫明星貫胸影歷歷飛泉倒峽聲嘈嘈回思昔日
鍛柳下曾誓乘車并乘馬不謂伊人已殞霜頓令斯
道如長夜多君兄弟能自見各赴隋宮與梁殿但得

文章慰世思不須俯仰看人面衡門寂寂時緯蕭雖
居市里同漁樵避人時過雙流淵作客還登萬里橋
予也甫賦歸去來相逢把臂方徘徊湖山噉噉宛在
望此中尚有孤山梅忽爾所思在遠道春江轉棹心
悠哉勒銘自埽峰頂雪題柱將披石上苔此日情親
誼不薄且送平原赴京洛他年卜室想比隣願竚吳
山待君築

天姥詞祝吳夫人生日

朱鷄拂羽吹南薰荷花滿池開綠雲華堂清畫懸錦
幌嬌絲脆管來紛紛夫人自昔稟修娥曾佐虛龍舊

十三
司馬雲閣同傳玉篋書繡牀再弄金釘瓦兩家勳伐
奕葉通往來車轂如游龍只今繼起餘三秀尚篋青
毳賦上宮從知珠樹生瑤圃赤文重啓藏書府若欲
仙盤挹紫霞但祝秦屏似天姥



